

晉

書

料

注

晉書附注卷三十五

錢塘吳士鑑

烏程劉承幹

列傳第五

陳騫

子輿

陳騫

魏志陳矯傳注曰案晉書騫字休淵世說方正篇注引晉陽秋亦曰字休淵書鈔五十一王隱晉書

日陳騫字休旅三國志攷證五曰裴注所引晉書乃虞預晉書案唐人避諱故不著其字書鈔作旅乃淵之誤

臨淮東陽人也

案騫為矯子魏志矯傳云廣陵東陽人此傳乃作臨淮東陽人蓋魏時東陽屬

廣陵晉太康初置臨淮陳矯則為晉人之言不復追溯本郡志劉頌傳云臨淮陳矯則為晉人之言不復追溯本郡

矣父矯魏司徒

魏志陳矯傳曰字季弼進爵東鄉侯遷司徒薨諡貞侯矯本廣陵

劉氏爲外祖陳氏所養因而改焉

魏志陳矯傳注魏氏春秋曰矯本劉氏子

出嗣舅氏而婚于本族徐宣每非之太祖借矯才量欲

其罪自建安五年已前一切勿論其以斷前誹議者以

其子與頌之本書劉頌傳曰初頌嫁女臨淮陳矯矯本劉

氏子與頌近親出養於姑改姓陳氏中正劉友議之頌

曰舜後姚虞陳田本同根系而世皆爲婚禮律不禁今

與此同義爲婚可也友方欲刊上爲陳矯所止故得不

竊寶應圖經曰案此則矯冒舅姓與姑姓兩說並存豈

舅父又壽沈厚有智謀世說方正篇注晉陽秋曰初矯

兼姑耶爲尙書令侍中劉曄見幸於魏明帝譖矯專權矯憂懼

以問壽壽曰主上明聖大人大臣今若不合意不過不

作公耳後帝意果釋魏志陳矯傳注世語曰劉曄以先

子本本不知所出次子壽曰主上明聖大人大臣今若

不合不過不作公耳後數日帝見矯矯又問二子壽曰

陛下意解故見大人也既入盡日帝曰劉曄構君朕有以述君朕心故已了以金五鉞授之矯辭帝曰豈以爲小惠君已知朕心願君妻子未知故也騫尙少爲夏侯玄所侮意色自若玄以此異之御覽四百九十八漢晉春秋曰陳蹇鱗之兄不難不難維有一本親交元拜其母蹇時爲中領軍聞元會於其家悅而歸既入戶元曰相與未至於此蹇當戶立良久曰如君言乃趨而出意氣自若元大以此知之世說方正篇注名士傳曰玄以鄉黨貴齒本不論德位年長者必爲拜與陳本母前飲騫來而出其起家尙書郎遷中山安平太可得同不可得而雜者也

守並著稱績徵爲相國司馬長史御史中丞遷尙書封

安國亭侯蜀賊寇隴右以尙書持節行征蜀將軍十七史商

權四十八日唐修晉史何必以蜀爲賊此沿襲舊文刪除未淨案魏曹真碑有蜀賊諸葛亮語此乃魏人之辭舊史當亦習見破賊而還會諸葛誕之亂復以尙書行安東將

軍壽春平拜使持節都督淮北諸軍事安東將軍進爵

廣陵侯轉都督豫州諸軍事豫州刺史持節將軍如故

又轉都督江南諸軍事徙都督荊州諸軍事征南大將

軍封郟侯武帝受禪以佐命之勳進車騎將軍封高平

郡公遷侍中大將軍

勞格校勘記曰案騫為車騎將軍在魏元帝咸熙二年傳誤武帝館

位陳騫為大將軍又武紀陳騫之誤

出為都督揚州諸軍事餘如故假黃

鉞攻拔吳枳里城破涂中屯戍賜騫兄子悝爵關中侯

咸寧初遷太尉轉大司馬

書鈔五十一王隱晉書曰陳騫以本太尉加黃鉞為大司

馬位極人臣隋經籍志攷證曰通典職官門注引晉諸公贊陳騫為大司馬賜袞冕之服今晉書所闕案武帝

紀遷太尉在泰始十年轉大司馬在咸寧二年傳誤合為一時事

騫因入朝言於帝曰

胡烈率弘皆勇而無謀強於自用非綏邊之材將爲國

恥

案武帝紀胡烈死於泰始六年率弘死於七年今傳文敘此語於咸寧初之下甚誤劉賁楠寶應圖經曰

毛本國下自注云雍本願陛下詳之時弘爲揚州刺史多之字案有之字是

不承順騫命帝以爲不協相構於是徵弘既至尋復以爲涼州刺史騫竊歎息以爲必敗二人後果失羌戎之和皆被寇喪沒征討連歲僅而得定帝乃悔之騫少有度量含垢匿瑕所在有績與賈充石苞裴秀等俱爲心膂而騫智度過之充等亦自以爲不及也累處方任爲士庶所懷既位極人臣年踰致仕思欲退身咸寧三年求入朝因乞骸骨賜袞冕之服詔曰騫元勳舊德統父

東夏方弘遠績以一吳會而所苦未除每表懇切重勞  
以方事今聽留京城以前太尉府爲大司馬府增置祭  
酒二人帳下司馬官騎大軍鼓吹皆如前

賈應圖經曰  
毛本軍下自

注云一作車  
案作車是

親兵百人廚田十頃廚園五十畝廚士十

人器物經用皆留給焉又給乘輿輦出入殿中加鼓吹  
如漢蕭何故事騫累稱疾辭位詔曰騫履德論道朕所  
諮詢方賴謀猷以弘庶績宜時視事可遣散騎常侍諭  
意騫輒歸第詔又遣侍中敦諭還府遂固請許之位同  
保傅在三司之上賜以几杖不朝安車駟馬以高平公  
還第帝以其勳舊耆老禮之甚重又以騫有疾聽乘輿

上殿騫素無蹇諤之風然與帝語傲及見皇太子加敬  
時人以爲詔弟稚與其子與忿爭遂說騫子女穢行騫  
表徙弟以此獲譏於世元康二年薨廿二史攷異二十  
一曰按本紀騫以  
太康二年十一月薨元康惠  
帝年號騫不及事惠帝也  
年八十一加以袞斂贈太  
傅諡曰武及葬帝於大司馬門臨喪望柩流涕禮依大  
司馬石苞故事子與嗣爵

與字顯初拜散騎侍郎洛陽令遷黃門侍郎歷將校左  
軍大司農侍中寶應圖經曰毛本左軍下自注  
雍本多將軍二字案雍本是坐與叔

父不睦出爲河內太守與雖無檢正而有力致尋卒子  
植字弘先嗣官至散騎常侍卒子粹嗣永嘉中遇害孝



武帝以騫立孫襲爵卒弟子浩之嗣類聚五十一晉中興書曰泰元二年

興滅繼絕後故陳騫後浩之為高平公案騫元孫傳中失舉其名浩之封于太元二年則元孫之封當在二年

前宋受禪國除

裴秀 子願 從弟楷 楷子憲

裴秀字季彥書鈔五十二引王隱晉書作季彥河東聞

喜人也祖茂漢尚書令魏志裴潛傳注魏略曰潛世為

守尚書建安初以奉使率導關中諸將討李傕有父潛功封列侯勞格校勘記曰茂守尚書非尚書令也

魏尚書令魏志裴潛傳曰字文行封清陽亭侯為尚書令拜光祿大夫正始五年薨贈太常諡曰貞

侯秀少好學有風操八歲能屬文魏志裴潛傳注文章敘錄曰八歲能屬文

遂知名世說賞譽篇上注叔父徽有盛名賓客甚眾秀引虞預晉書屬文作著文

年十歲

元本作十餘歲世說賞譽篇上注引虞預晉書亦作十餘歲類聚三十五御覽五百引語林作

年十有詣徽者出則過秀然秀母賤嫡母宣氏不之禮

嘗使進饌於客見者皆爲之起

御覽五百引語林作後大集客秀母下食眾賓

見並起

秀母曰微賤如此當應爲小兒故也宣氏知之

後遂止

御覽五百引語林作於是大母乃不敢復使之

時人爲之語曰後進領

袖有裴秀

世說賞譽篇上後進作後來

渡遼將軍母丘儉嘗薦秀於

大將軍曹爽曰生而岐嶷長蹈自然玄靜守眞性入道

奧博學強記無文不該孝友著於鄉黨高聲聞於遠近

誠宜弼佐謨明助和鼎味毗贊大府光昭盛化非徒子

奇甘羅之儔兼包顏冉游夏之美爽乃辟爲掾襲父爵

清陽亭侯遷黃門侍郎

魏志裴潛傳注文章敘錄曰裴父服終推財與兄弟年二十五

遷黃門侍郎世說賞譽

爽誅以故吏免頃之爲廷尉正

歷文帝安東及衛將軍司馬

魏志裴潛傳注文章敘錄曰遷衛國相案本傳失載

爲衛國相軍國之政多見信納遷散騎常侍帝之討諸葛誕

也秀與尚書僕射陳泰黃門侍郎鍾會以行臺從豫參

謀略及誕平轉尚書進封魯陽鄉侯增邑千戶常道鄉

公立以豫議定策進爵縣侯增邑七百戶遷尚書僕射

魏咸熙初釐革憲司時荀顗定禮儀賈充正法律而秀

改官制焉秀議五等之爵

魏志裴潛傳注文章敘錄曰晉文王始建五等命秀典爲

制自騎督已上六百餘人皆封於是秀封濟川侯

魏志裴潛

傳注引文章敘錄作封廣川侯元和郡縣圖志十七曰魏封裴秀爲廣川侯案廣川蓋隋人避諱改爲濟川唐初猶承地方六十里邑千四百戶以高苑縣濟川墟爲

之也侯國初文帝未定嗣而屬意舞陽侯攸賈充傳亦作舞陽侯攸齊王攸

傳作武武帝懼不得立問秀曰人有相否因以奇表示

之秀後言於文帝曰中撫軍人望既茂天表如此固非

人臣之相也由是世子乃定武帝既卽王位拜尙書令

右光祿大夫與御史大夫王沈衛將軍賈充俱開府加

給事中及帝受禪加左光祿大夫封鉅鹿郡公邑三千

戶時安遠護軍郝詡與故人書云與尙書令裴秀相知

望其爲益有司奏免秀官詔曰不能使人之不加諸我

此古人所難交關人事詔之罪耳豈尙書令能防乎其  
勿有所問司隸校尉李熹復上言騎都尉劉尙爲尙書  
令裴秀占官稻田求禁止秀詔又以秀幹翼朝政有勲  
績於王室不可以小疵掩大德使推正尙罪而解秀禁  
止焉久之詔曰夫三司之任以翼宣皇極弼成王事者  
也故經國論道賴之明詰苟非其人官不虛備尙書令  
左光祿大夫裴秀雅量弘博魏志裴潛傳注文章敘錄曰秀弘通博濟思心  
通遠先帝登庸贊事前朝朕受明命光佐大業勲德茂  
著配蹤元凱宜正位居體以康庶績其以秀爲司空書鈔  
五十二王隱晉書曰爲司  
空刪定官制損益多善秀儒學洽聞且留心政事當

禪代之際總納言之要其所裁當禮無違者又以職在地官以禹貢山川地名從來久遠多有變易後世說者或彊牽引漸以闇昧於是甄擿舊文疑者則闕古有名而今無者皆隨事注列作禹貢地域圖十八篇奏之藏於祕府書鈔五十二王隱晉書曰又作禹貢地域圖事章敘錄曰著易及樂論又畫地域圖十八篇魏志裴潛傳注文篇傳行於世盟會圖及典治官制皆未成其序曰圖書之設由來尙矣自古立象垂制類聚六御覽三十而賴其用三代置其官國史掌厥職暨漢屠咸陽類聚六引漢下有祖字丞相蕭何盡收秦之圖籍今祕書既無古之地圖又無蕭何所得御覽三十六引古下有今字惟有漢氏興

地及括地諸雜圖

類聚六引漢氏下有所畫二字案水經河水注所引馮夷恆乘雲車駕二

龍史記大宛傳索隱所引崑崙弱水非乘龍不至之類皆云括地圖季彥所見蓋即此書

各不設分

率又不考正進望亦不備載名山大川雖有麤形

類聚六御

覽三十六引此句上有所載列四字

皆不精審不可依據或荒外迂誕

之言

類聚六御覽三十不合事實於義無取大晉龍興六引或下有稱字

混一六合以清宇宙始於庸蜀采入其岨文皇帝乃命

有司撰訪吳蜀地圖蜀土既定六軍所經地域遠近山

川險易征路迂直校驗圖記罔或有差今上考禹貢山

海川流原隰陂澤古之九州及今之十六州郡國縣邑

疆界鄉陬及古國盟會舊名

水經穀水注曰京相璠與裴司空彥季雖修晉輿

圖作春秋地名隋經籍志有裴秀客京相璠等春秋土地名三卷案元和姓纂二作榜里璠春秋土地名三卷疑卽京相水陸徑路爲地圖十八篇書鈔九十六引裴璠之誤有域字案張彥遠名畫記三曰裴秀制圖之體有六焉地形方丈圖一是此圖唐時猶存也書鈔九十六裴秀以舊天下一曰分率所以辨廣輪之度也曰司空裴秀以舊天下大圖用練八十里正省視爲難事又不審乃裁減爲方丈圖以一分爲十里十寸當推爲百里從率數計里備載名山都邑王者可不下堂而知四方也鄒漢勛寶慶里圖說曰夫作圖必明分率分率者約地之廣陝幸權而命之者也其法畫紙爲正方形或每方千里或數百里或數十里數里惟所命此作圖之第一誼決不可變者也以金錫齡裴秀禹貢地域圖序六法述義曰一日分率以辨廣輪之度此作圖之體段也約地之廣狹與紙之廣狹審度而勻之至於十里一釐一里一毫均準此矣有縱率有橫率有大分率有小分率條理秩然瞭如指掌作圖而無分率是畫工二曰準望所以正彼此之意筆非輿圖之實用矣



體也

寶慶重里圖說曰準望者方隅鳥道之謂也胡肅

隅十二方肅明增爲十六日正東曰正東微南曰東南

日正南微東餘以類推堪輿家則有二十四向測望家

則有六十方三百六十度若以三百六十度六十四而學

太密以八以十二以十六則太疏今酌用二十四而學

者每疑二十四向之序節候也有指甲指寅之文一

地丙地之論惟南子之序節候也有指甲指寅之文一

興於六國一起自漢初復何疑焉鳥道者空中鳥飛一

直無回轉之道也黔首日履川原而謂能知空中之直

徑人孰信之是必有法以取之講求其理凡有二端取

四海九州之遙者則以日星取一郡一縣之細者則以

句股重測既得二者又參三曰道里所以定所由之數

之以道路三法思過半矣

也四曰高下五曰方邪六曰迂直此三者各因地而制

宜所以校夷險之異也類聚六引三者作六者制宜作

地制宜攷之則作三者爲是類聚誤也寶慶重里圖說

曰夫作圖之必有道里者蓋以圖之所肖惟山川城郭

關隘界里而巳城郭關隘界里威人所建置  
惟山川則以一一定之形經緯土宇尤不可略乃山脈川  
道恆多曲折人行之道避迂趨徑避曲趨直故道路校  
山川迂回特少此圖法所以獨重道路也作圖而不能  
記道里者凡有七病圖有分率以鳥道爲主道里出於  
人行以人行校鳥道有細無贏故納道里於分率細者  
爲密合贏者爲真差不明乎此少見不合輒自督亂病  
一也道路遠近於有塘遞之處處官標其數似爲可據然  
以營冊較舊遞每塘鋪遞同處一所取塗亦未少異而  
舖路十里者塘路輒止入九里彼此參差不能酌定病  
二也無塘遞之路信口以噉訊之塗次言人殊有一  
里而實有二三里之違者據以入圖形勢乖舛病三也  
兩山之間必有川而山陝之際恆多兩水分流此實山  
川之關竅而亦道路所必經於此幸權可得正形味者  
漠不留心任意遂置道里必乖病四也地有高下路出  
其間一上一下一爲里必多又或南北大同等東西無異自  
此之彼循弦必近磬折則遠又或一則羊腸九曲一則  
馳道直除遠近自應除縣作者不知消息形勢必不能  
合病五也定經涂之遠近步而量未若記里鼓之推  
行卽知今之作者不能有其器又不知以意消息圖必

不成病六也水道人行皆有支裔交互母穿徒有經涂  
名川而橫出兼苞之谿徑經過之津梁渠委而不給則  
紙多空闊路不交川必致差迳病七也今爲此圖無論  
官道小路經緯咸登委曲備寫而又酌之以高下方邪  
迂直之三法母之以津梁圖既茂有圖象而無分率則  
密差卽易知此亦作圖之關鍵也

無以審遠近之差有分率而無準望雖得之於一隅必  
失之於他方有準望而無道里則施於山海絕隔之地  
不能以相通有道里而無高下方邪迂直之校則徑路  
之數必與遠近之實相違失準望之正矣故以此六者  
參而攷之然遠近之實定於分率彼此之實定於道里  
度數之實定於高下方邪迂直之算類聚六引然下有後字彼此之實下有  
有定於準望徑路之實八字案本傳脫去後字文義便與上文不貫六者之中脫去準望當據類聚所引補之

方合故雖有峻山鉅海之隔絕域殊方之迴登降詭曲之  
因皆可得舉而定者準望之法既正則曲直遠近無所  
隱其形也秀創制朝儀廣陳刑政朝廷多遵用之以爲  
故事在位四載爲當世名公服寒食散當飲熱酒而飲  
冷酒泰始七年薨皇甫謐傳曰初服寒食散而性與之  
太醫令陰羌死後藥數動發至此逾甚又東平王徽傳  
子翕注云翕撰解寒食散方與皇甫謐所撰並行於世  
隋經籍志有皇甫謐曹欽綰作論寒食散方二卷釋道  
洪寒食散對療一卷解寒食散方二卷解寒食散論三  
卷又有皇甫士安依諸方撰一卷案唐入外臺祕要千  
金翼方猶傳其法類聚七十五引嵇含寒食散賦晉宋  
書故曰寒食散一名五石散世說言語篇何平叔云服  
五石散非唯治病亦覺神明開朗劉孝標注引秦丞相  
寒食散論曰寒食散之方雖出漢代而用之者寡靡有  
傳焉魏尚書何晏首獲神效由是大行於世服者相尋

也今按五石之名雖未之前聞要不越丹沙雄黃雲母  
石英鍾乳之屬此等皆精剛內蘊符采外標所以六朝  
貴游動云散發蘊寒生熱輒喪厥軀假令何晏不誅亦  
終天歿加之孝標徵引更煽災炎王戎傳戎偽藥發溫  
廁得不及禍鄧攸傳夜失火燒車遂對以弟婦散發溫  
酒爲辭此皆藥之流毒彰於歷試安在平叔一人服食  
獨收神效俞正燮癸巳存稿曰通鑑注言寒食散蓋始  
於何晏又云煉鍾乳砂等藥爲之言可避火食故曰  
寒食按寒食言服者食宜涼要略中發酒微溫飲非不  
火食其方漢張機製在金匱要略中發酒微溫飲非不  
巢元方諸病源候卷六所載皇甫謐語皇甫謐深受其  
毒故知之最詳陳振孫書錄解題謂病源候論惟論病  
證不載方藥後人遂不留意隋書經籍志載散方論甚  
多而皇甫謐曹欸論二卷宋有皇甫謐依諸方撰一卷  
隋又有吳景賢諸病源候論目及服石論總七卷本避  
傷寒卒病法也士大夫不問疾否服之爲風流則始於  
何晏魏晉人服散至死不悟寢人子弟時年四十八詔  
飢寒致病謬云散發其時以爲笑謔

曰司空經德履哲體蹈儒雅佐命翼世勳業弘茂方將

宜獻敷制爲世宗範不幸薨殂朕甚痛之其賜祕器朝服一具衣一襲錢三十萬布百匹謚曰元初秀以尙書三十六曹統事準例不明宜使諸卿任職未及奏而薨其友人料其書記得表草言平吳之事其詞曰孫皓酷虐不及聖明御世兼弱攻昧使遺子孫將遂不能臣時有否泰非萬安之勢也臣昔雖已屢言未有成旨今旣疾篤不起謹重尸啟願陛下時共施用乃封以上聞詔報曰司空薨痛悼不能去心又得表草雖在危困不忘王室盡忠憂國省益傷切輒當與諸賢共論也咸寧初與石苞等並爲王公配享廟庭

周家祿校勘記曰按有苞等傳王公作王功有

二子濬頤

聖賢羣輔錄下曰裴頤楷孫季子案頤為楷之從姪此作楷孫誤季子亦為秀子之謫

濬嗣位至散騎常侍早卒濬庶子憬不惠別封高陽亭

侯以濬少弟頤嗣

魏志裴潛傳注文章敘錄曰少子頤襲封

頤字逸民弘雅有遠識

魏志裴潛傳注晉惠帝起居注曰頤雅有遠量當朝名士也世

說言語篇注引冀州記曰

頤宏濟有清識賞譽篇上曰鍾士季謂裴公之談終日不竭又引惠帝起居注曰頤

理甚淵博

博學稽古自少知名

魏志裴潛傳注荀綽冀州記曰博學稽古履行

高整自少知名世說言語篇

注冀州記曰稽古善言名理

御史中丞周弼見而嘆曰

頤若武庫五兵縱橫一時之傑也賈充即頤從母夫也

魏志郭淮傳注晉諸公贊曰

淮弟配字仲南表秀有佐有重名位至城陽太守裴秀賈充皆配女壻

命之勳不幸嫡長喪亡遺孤稚弱頤才德英茂足以興

隆國嗣詔顧襲爵顧固讓不許太康二年徵爲太子中庶子遷散騎常侍惠帝卽位轉國子祭酒兼右軍將軍初顧兄子憬爲白衣顧論述世勲賜爵高陽亭侯楊駿將誅也駿黨左軍將軍劉豫陳兵在門遇顧問太傅所在顧給之曰向於西掖門遇公乘素車從二人西出矣豫曰吾何之顧曰宜至廷尉豫從顧言遂委而去尋而詔顧代豫領左軍將軍屯萬春門及駿誅以功當封武昌侯顧請以封憬帝竟封顧次子該顧苦陳憬本承嫡宜襲鉅鹿先帝恩旨辭不獲命武昌之封己之所蒙特請以封憬該時尙主故帝不聽累遷侍中時天下暫寧



顧奏脩國學刻石寫經

書鈔六十七類聚三十八晉諸公贊曰裴頠惠帝時拜爲國子

祭酒奏立國子大學起講堂築門闕刻石以寫五經案

奏立太學當在爲祭酒時傳暢所言是也本傳敘修國

學於遷侍中

之下未允 皇太子旣講釋奠祀孔子飲饗射侯甚有

儀序又令荀藩終父助之志鑄鐘鐃磬以備郊廟朝享

禮樂頥通博多聞兼明醫術荀勖之修律度也檢得古

尺短世所用四分有餘頥上言宜改諸度量若未能悉

革可先改太醫權衡此若差違遂失神農岐伯之正藥

物輕重分兩乖互所可傷夭爲害尤深古壽考而今短

折者未必不由此也卒不能用樂廣嘗與頥清言欲以

理服之而頥辭論豐博廣笑而不言時人謂頥爲言談

之林藪顧以賈后不悅太子抗表請增崇太子所生謝

淑妃位號仍啟增置後衛率吏給三千兵於是東宮宿

衛萬人遷尙書

初學記十一裴頠讓吏部尙書表曰侍臣少無鑒察之譽長無題與之才侍

中如故加光祿大夫每授一職未嘗不殷勤固讓表疏

十餘上博引古今成敗以爲言覽之者莫不寒心頠深

慮賈后亂政與司空張華侍中賈模議廢之而立謝淑

妃華模皆曰帝自無廢黜之意若吾等專行之上心不

以爲是且諸王方剛朋黨異議恐禍如發機身死國危

無益社稷頠曰誠如公慮但昏虐之人無所忌憚亂可

立待將如之何華曰卿二人猶且見信然勤爲左右陳

禍福之戒冀無大悖幸天下尙安庶可優游卒歲此謀  
遂寢顓旦夕勸說從母廣城君令戒喻賈后親待太子  
而已或說顓曰幸與中宮內外可得盡言言若不行則  
可辭病屏退若二者不立雖有十表難乎免矣顓慨然  
久之而竟不能行遷尙書左僕射侍中如故顓雖后之  
親屬然雅望素隆四海不謂之以親戚進也惟恐其不  
居位俄復使顓專任門下事固讓不聽顓上言賈模適  
亡復以臣代崇外戚之望彰偏私之舉后族何常有能  
自保皆知重親無脫者也然漢二十四帝惟孝文光武  
明帝不重外戚皆保其宗豈將獨賢實以安理故也昔

穆叔不拜越禮之饗臣亦不敢聞殊常之詔又表云咎  
繇謨虞伊尹相商呂望翊周蕭張佐漢咸播功化光格  
四極暨于繼體咎單傳說祖己樊仲亦隆中興或明揚  
側陋或起自庶族豈非尙德之舉以臻斯美哉厯觀近  
世不能慕遠溺於近情多任后親以致不靜昔疎廣戒  
太子以舅氏爲官屬前世以爲知禮況朝廷何取於外  
戚正復才均尙當先其疎者以明至公漢世不用馮野  
王卽其事也表上皆優詔敦譬時以陳準子匡韓蔚子  
嵩並侍東宮願諫曰東宮之建以儲皇極其所與游接  
必簡英俊宜用成德匡嵩幼弱未識人理立身之節東

宮實體夙成之表而今有童子侍從之聲未是光闡遐  
風之弘理也愍懷太子之廢也顧與張華苦爭不從語  
在華傳顧深患時俗放蕩不尊儒術何晏阮籍素有高  
名於世口談浮虛不遵禮法尸祿耽寵仕不事事至王  
衍之徒聲譽太盛位高勢重不以物務自嬰遂相放效  
風教陵遲乃著崇有之論以釋其蔽世說文學篇注晉諸公贊曰自魏太  
常夏侯玄步兵校尉阮籍等皆著道德論于時侍中樂  
廣吏部郎劉漢亦體道而言約尚書令王夷甫講理而  
才虛散騎常侍戴奧以學道爲業後進庾敳之徒皆希  
慕簡曠顧疾世俗尚虛無之理故著崇有二論以折之  
才博喻廣自以體虛無笑而不復言魏志裴潛傳注晉  
惠帝起居注曰顧民之望也理具淵博瞻於論難著崇  
有貴無二論以矯虛誕之曰夫總混羣本宗極之道也  
弊文辭精富爲世名論

方以族異庶類之品也形象著分有生之體也化感錯綜理迹之原也夫品而爲族則所稟者偏偏無自足故憑乎外資是以生而可尋所謂理也理之所體所謂有也有之所須所謂資也資有攸合所謂宜也擇乎厥宜所謂情也識智既授雖出處異業默語殊塗所以寶生存宜其情一也眾理並而無害故貴賤形焉失得由乎所接故吉凶兆焉是以賢人君子知欲不可絕而交物有會觀乎往復稽中定務惟夫用天之道分地之利躬其力任勞而後饗居以仁順守以恭儉率以忠信行以敬讓志無盈求事無過用乃可濟乎故大建厥極綏理

羣生訓物垂範於是乎在斯則聖人爲政之由也若乃  
淫抗陵肆則危害萌矣故欲衍則速患情佚則怨博擅  
恣則興攻專利則延寇可謂以厚生而失生者也悠悠  
之徒駭乎若茲之釁而尋艱爭所緣察夫偏質有弊而  
覩簡損之善遂聞貴無之議而建賤有之論賤有則必  
外形外形則必遺制遺制則必忽防忽防則必忘禮禮  
制弗存則無以爲政矣眾之從上猶水之居器也故兆  
庶之情信於所習習則心服其業業服則謂之理然是  
以君人必慎所教班其政刑一切之務分宅百姓各授  
四職能令稟命之者不肅而安忽然忘異莫有遷志況

於據在三之尊懷所隆之情敦以爲訓者哉斯乃昏明  
所階不可不審夫盈欲可損而未可絕有也過用可節  
而未可謂無貴也蓋有講言之具者深列有形之故盛  
稱空無之美形器之故有徵空無之義難檢辯巧之文  
可悅似象之言足惑眾聽眩焉溺其成說雖頗有異此  
心者辭不獲濟屈於所狎因謂虛無之理誠不可蓋唱  
而有和多往弗反遂薄綜世之務賤功烈之用高浮游  
之業埤經實之賢人情所殉篤夫名利於是文者衍其  
辭訥者讚其旨染其眾也是以立言藉於虛無謂之玄  
妙處官不親所司謂之雅遠奉身散其廉操謂之曠達



故砥礪之風彌以陵遲放者因斯或悖吉凶之禮而忽容止之表瀆棄長幼之序混漫貴賤之級其甚者至於裸裎言笑忘宜以不惜爲弘士行又虧矣老子既著五千之文表摭穢雜之弊甄舉靜一之義有以令人釋然自夷合於易之損謙艮節之旨而靜一守本無虛無之謂也損艮之屬蓋君子之一道非易之所以爲體守本無也

周家祿校勘記曰無衍文涉上而誤觀老子之書雖靜一守本無虛無之謂也文而誤

博有所經而云有生於無以虛爲主偏立一家之辭豈有以而然哉人之既生以保生爲全全之所偕以順感爲務若味近以虧業則沈溺之釁興懷末以忘本則天

理之真滅

元作滅

故動之所交存亡之會也夫有非有於

無非無於無非無於有非有

周家祿校勘記曰語不可解必有脫誤一去中於字

讀有非有於無句非無句無非無於有句非有句而義仍不可解

是以申縱播之累而

著貴無之文將以絕所非之盈謬存大善之中節收流

遁於既過反澄正于芻懷宜其以無爲辭而旨在全有

故其辭曰以爲文不足若斯則是所寄之塗一方之言

也若謂至理信以無爲寇則偏而害當矣先賢達識以

非所滯示之深論惟班固著難未足折其情孫卿揚雄

大體抑之猶偏有所許而虛無之言日以廣衍眾家扇

起各到其說上及造化下被萬事莫不貴無所存僉同

情以眾固乃號凡有之理皆義之埤者薄而鄙焉辯論  
 人倫及經明之業遂易門肆顧用矍然申其所懷而攻  
 者盈集或以爲一時口言有容幸過咸見命著文擲列  
 虛無不允之徵若未能每事釋正則無家之義弗可奪  
 也顧退而思之雖君子宅情無求於顯及其立言在乎  
 達旨而已然去聖久遠異同紛糾苟少有仿佛可以崇  
 濟先典扶明大業有益於時則惟患言之不能焉得靜  
 默及未舉一隅略示所存而已哉夫至無者無以能生  
 故始生者自生也自生而必體有則有遺而生虧矣生  
 以有爲己分則虛無是有之所謂遺者也故養既化之

有非無用之所能全也理既有之眾非無爲之所能循也心非事也而制事必由於心然不可以制事以非事謂心爲無也匠非器也而制器必須於匠然不可以制器以非器謂匠非有也是以欲收重泉之鱗非偃息之所能獲也隕高墉之禽非靜拱之所能捷也審投弦餌之用非無知之所能覽也由此而觀濟有者皆有也虛無奚益於已有之羣生哉王衍之徒攻難交至並莫能屈世說文學篇曰裴成公作崇有論時人攻難之莫能折唯王夷甫來如小屈時人卽以王理難裴理還復申注晉諸公贊曰裴頠談理與王夷甫不相推下又著辨才論古今精義皆辨釋焉未成而遇禍初趙王倫諂事賈后頽甚惡之倫數

求官願與張華復固執不許由是深為倫所怨倫又潛

懷篡逆欲先除朝望因廢賈后之際遂誅之

魏志裴潛傳注荀綽

冀州記曰趙王倫以其望重畏而惡之知其不與賈氏同心猶被枉害

時年三十四二子

嵩該

魏志裴潛傳注晉惠帝起居注曰子嵩字道文

倫亦欲害之梁王彤東海

王越稱願父秀有勳王室配食太廟不宜滅其後嗣故

得不死徙帶方惠帝反正追復願本官改葬以卿禮諡

曰成以嵩嗣爵為中書黃門侍郎該出後從伯譏為散

騎常侍並為乞活賊陳午所害

魏志裴潛傳注裴松之謂荀綽稱嵩有父祖風

為中書郎早卒類聚五十一晉中興書曰泰元二年興滅繼絕裴秀後球為鉅鹿公晉書校文三曰魏志注言

嵩為中書郎早卒此云並為陳午所害疑有誤案本傳于嵩之後失書名字未知球為嵩之何人也

楷字叔則父徽魏冀州刺史魏志裴潛傳注裴松之謂

冀州刺史有高才遠度善言立妙事見荀粲傳王弼

管轄諸傳聖賢羣輔錄下曰徽字文秀楷徽第三子案

唐宰相世系表十一上云裴茂三子潛徽韓又云茂長

子徽字文秀魏冀州刺史蘭陵武公白相抵悟以魏志

注證之則非長子也元和姓纂三云茂生三子韓號東

晉徽號子明子孫又號中晉則又以韓為徽兄恐誤

楷明悟有識量魏志裴潛傳注晉諸公贊曰謝鯉為樂

五百六十一裴楷別傳曰弱冠知名魏志裴潛傳注裴

裴楷少知名而風情朗悟弱冠知名魏志裴潛傳注裴

楷皆為名士而楷才望最重案徽有尤精老易世說德

四子黎康為楷之兄綽為楷之弟尤精老易世說德

晉諸公贊曰裴少與王戎齊名鍾會薦之於文帝辟相楷特精易義

國掾遷尚書郎賈充改定律令以楷為定科郎事畢詔楷於御前執讀

楷於御前執讀魏志裴潛傳注晉諸公贊曰楷與琅邪

王戎俱為掾發名鍾會致之大將軍司王戎俱為掾發名鍾會致之大將軍司

馬文王又荀彧傳注世語曰寓少與裴楷王戎杜默俱  
有名京邑仕晉位至尚書見裴楷傳裴楷王戎杜默俱

史舉正曰案律令成於泰始三年非平議當否楷善宣  
文帝時也刑法志武帝使楷卒讀

吐左右屬目聽者忘倦御覽三百八十八裴楷別傳曰楷善能諷誦音聲鮮暢執刑書

穆若清詠焉武帝為撫軍妙選僚采以楷為參軍事吏部郎

缺文帝問其人於鍾會會曰裴楷清通王戎簡要皆其

選也世說賞譽篇上曰王濬冲裴叔則二人總角詣鍾士季須臾去後客問鍾曰向二童何如鍾曰裴楷

清通王戎簡要後二十年此二賢當為尚書冀爾時天下無滯才於是

以楷為吏部郎楷風神高邁容儀俊爽世說容止篇曰裴令公有儁容儀脫冠冕服亂頭皆好博

涉羣書特精理義時人謂之玉人又稱見裴叔則如近

玉山映照人也世說容止篇作見裴叔則轉中書郎出如玉山上行光映照人

入宮省見者肅然改容武帝初登阼探策以卜世數多

少而得一

世說言語篇作探策得  
一王者世數繫此多少

帝不悅羣臣失色莫

有言者楷正容儀和其聲氣從容進曰臣聞天得一以

清地得一以寧王侯得一以爲天下貞武帝大悅羣臣

皆稱萬歲俄拜散騎侍郎累遷散騎常侍河內太守入

爲屯騎校尉右軍將軍轉侍中

御覽二百十九山公啟  
事曰侍中太常河南尹

並缺皆顯職宜必得其人右軍裴楷  
通理有才義僉論宜以爲侍中才

石崇以功臣子有

才氣與楷志趣各異不與之交長水校尉孫季舒嘗與

崇酣燕慢傲過度崇欲表免之楷聞之謂崇曰足下飲

人狂藥責人正禮不亦乖乎

御覽七百三十九裴楷別  
傳曰石崇嘗與裴楷孫綽



醉宴而綽慢節過度崇責之楷曰季舒酒狂四海所知  
足下飲人狂藥責人正禮案別傳之孫綽蓋卽季舒與  
興公同名也崇乃止楷性寬厚與物無忤不持儉素每遊  
非與公也

榮貴輒取其珍玩雖車馬器服宿昔之間便以施諸窮

乏嘗營別宅其從兄衍見而悅之卽以宅與衍類聚六十四裴

楷別傳曰楷營新宅基宇甚麗當移住與兄共游行牀  
帳儼然橋軒踈朗兄心甚願之而曰不言楷心知其意

便使兄住御覽五百十六三國春秋曰裴楷嘗建爲  
別宅宅甚美麗楷兄欲之楷便讓之其性有大度皆斯

也梁趙二王國之近屬貴重當時楷歲請二國租錢百

萬以散親族人或譏之世說德行篇曰裴令公歲請二  
國租錢數百萬以恤中表之貧

者或譏之曰何楷曰損有餘以補不足天之道也安於

以乞物行惠毀譽其行己任率皆此類也世說德行篇注名士傳曰  
楷行己取與任心而動毀

譽雖至處之與山濤和嶠並以盛德居位帝嘗問曰朕晏然皆此類

應天順時海內更始天下風聲何得何失楷對曰陛下受命四海承風所以未比德於堯舜者但以賈充之徒尚在朝耳方宜引天下賢人與弘正道不宜示人以私時任愷庾純亦以充爲言帝乃出充爲關中都督充納女於太子乃止平吳之後帝方修太平之化每延公卿與論政道楷陳三五之風次敘漢魏盛衰之迹帝稱善坐者歎服焉楷子瓚娶楊駿女然楷素輕駿與之不平駿既執政乃轉爲衛尉遷太子少師優游無事默如也及駿誅楷以婚親收付廷尉

世說雅量篇注晉諸公贊婚親作婚黨

將加

法是日事起倉卒誅戮縱橫眾人爲之震恐楷容色不

變舉動自若索紙筆與親故書

世說雅量篇容色作神氣舉動作舉止求紙筆

作書案世說注引名士傳又以此數語屬於楚王瑋之

難與本傳下文異蓋名士傳誤以楊駿之役屬於楚王

之難賴侍中傅祇救護得免世說雅量篇注引晉諸公

也由此猶坐去官太保衛瓘太宰亮稱楷貞正不阿附宜

蒙爵土乃封臨海侯食邑二千戶代楚王瑋爲北軍中

候加散騎常侍瑋怨瓘亮斥己任楷楷聞之不敢拜轉

爲尚書楷長子輿先娶亮女女適衛瓘子楷慮內難未

已求出外鎮除安南將軍假節都督荊州諸軍事垂當

發而瑋果矯詔誅亮瓘瑋以楷前奪己中候又與亮瓘

婚親密遣討楷楷素知瑋有望於己聞有變單車入城  
匿于妻父王渾家與亮小子一夜入徙故得免難瑋旣  
伏誅以楷爲中書令加侍中與張華王戎並管機要楷  
有渴利疾不樂處勢王渾爲楷請曰楷受先帝拔擢之  
恩復蒙陛下寵遇誠竭節之秋也然楷性不競於物昔  
爲常侍求出爲河內太守後爲侍中復求出爲河南尹  
與楊駿不平求爲衛尉及轉東宮班在時類之下安於  
淡退有識有以見其心也楷今委頓臣深憂之光祿勳  
缺以爲可用今張華在中書王戎在尙書足舉其契無  
爲復令楷入名臣不多當見將養不違其志要其遠濟

之益不聽就加光祿大夫開府儀同三司

晉書鈔五十七  
諸公贊曰

加侍中光祿大夫與張華俱處機密華楷一時名及疾  
望而華獨開府時皆責之華不敢授尋進楷開府

篤詔遣黃門郎王衍省疾楷回眸矚之曰竟未相識衍

深嘆其神儻

世說容止篇曰裴令公有儻容姿一旦有  
疾至困惠帝使王夷甫往看裴方向壁卧

聞王使至強回視之王出語人曰雙眸  
閃閃若巖下電精神挺動體中故小惡楷有知人之鑒

初在河南樂廣僑居郡界未知名楷見而奇之致之於

宰府嘗目夏侯立云肅肅如入宗廟中但見禮樂器

世說

賞譽篇上作肅肅如入廊廟中不修敬而  
人自敬一曰如入宗廟琅琅但見禮樂器鍾會如觀武

庫森森但見矛戟在前傳嘏汪翔靡所不見

世說賞譽  
篇上作傳

蘭碩江廣靡所不有魏志傳嘏傳字  
山濤若登山臨下

幽然深遠初楷家炊黍在甌或變如拳御覽九百四十一引廣五行記

如拳作或作血或作蕪蕪子其年而卒時年五十五諡

曰元寰宇記三曰裴楷墓在河南府修義坊十字街北有碑存有五子輿璣憲禮遜

輿字祖明周家祿校勘記曰輿璣不列子目按照石苞諸子傳例無子目者附苞傳有子目者別為

篇輿璣宜附楷傳不別為篇少襲父爵官至散騎侍郎卒諡曰簡璣

字國寶中書郎風神高邁見者皆敬之書鈔五十七沈約晉書曰裴璣

以風神高邁選為中書郎出入禁門見者肅然改容世說品藻篇注晉諸公贊曰璣才氣爽儁魏志裴潛傳注

晉諸公贊曰璣特為王綏所重每從其遊綏父戎謂之

曰國寶初不來汝數往何也對曰國寶雖不知綏綏自

知國寶楊駿之誅為亂兵所害

憲字景思少而穎悟好交輕俠及弱冠更折節嚴重修  
尚儒學足不踰閩者數年陳郡謝鯤穎川庾敳皆儁朗

士也見而奇之相謂曰裴憲鯁亮宏達通機識命魏志裴潛

傳注晉諸公贊不知其何如父至於深弘保素不以世  
日憲有清識

物嬰心者其殆過之初侍講東宮歷黃門吏部郎侍中

東海王越以爲豫州刺史北中郎將假節王浚承制以

憲爲尚書永嘉末王浚爲石勒所破讀史舉正曰案勒破浚在建興二年

三月見本紀裴嵩等莫不謝罪軍門貢賂交錯惟憲及荀綽

恬然私室勒素聞其名召而謂之曰王浚虐暴幽州人

鬼同疾孤恭行乾憲拯茲黎元羈舊咸歡慶謝交路二

君齊惡傲威誠信岨絕防風之戮將誰歸乎憲神色侃  
然泣而對曰臣等世荷晉榮恩遇隆重王浚凶麤醜正  
尙晉之遺藩雖欣聖化義岨誠心且武王伐紂表商容  
之間未聞商容在倒戈之例也明公旣不欲以道化厲  
物必於刑忍爲始者防風之戮臣之分也請就辟有司  
不拜而出勒深嘉之待以賓禮勒乃簿王浚官寮親屬  
皆貲至巨萬惟憲與荀綽家有書百餘袞鹽米各十數  
斛而已勒聞之謂其長史張賓曰名不虛也吾不喜得  
幽州喜獲二子署從事中郎出爲長樂太守及勒僭號  
未遑制度與王波爲之撰朝儀於是憲章文物擬於王



者勒大悅署太中大夫遷司徒

案石勒載記下云前郎中令裴憲爲尚書本傳

失載所歷之官

及季龍之世彌加禮重憲有二子挹穀並以文

才知名穀仕季龍爲太子中庶子散騎常侍挹穀俱豪

俠耽酒好臧否人物與河閒邢魚有隙魚竊乘穀馬奔

段遼爲人所獲魚誣穀使己以季龍當襲鮮卑告之爲

備時季龍適謀伐遼而與魚辭正會季龍悉誅挹穀憲

亦坐免未幾復以爲右光祿大夫司徒太傅封安定郡

公憲歷官無幹績之稱然在朝立默未嘗以物務經懷

但以德重名高動見尊禮竟卒於石氏以族人峙子邁

爲嗣楷長兄黎次兄康並知名

魏志裴潛傳注裴松之謂荀綽稱徵長子黎字

伯宗一名演游擊將軍次康字仲豫太子左衛率又晉諸公贊曰康有弘量黎子苞秦州刺史唐宰相世系表十一上曰黎游擊將軍祕書監書鈔六十五喬潭冀州記曰康措並為名二

盾少歷顯位永嘉中為徐州刺史魏志裴潛傳注晉諸公贊曰康子純黃門

侍郎次盾徐州刺史委任長史司馬奧奧勸盾刑殺立次鄒次鄒中墨將軍

威大發良人為兵有不奉法者罪使元作至死在任三

年百姓嗟怨東海王越盾妹夫也越既薨騎督滿衡便

引所發良人東還尋而劉元海遣將王桑趙固向彭城

前鋒數騎至下邳文武不堪苛故悉皆散走周家祿校勘記曰不

堪苛不成句疑當作文盾奧奔淮陰妻子為賊人所得武不堪苛政悉皆散走

奧又誘盾降趙固固妻盾女有寵盾向女涕泣固遂殺

之案懷帝紀賊王桑冷道陷徐州刺史裴盾遇害此傳上文言劉元海遣王桑趙固向彭城一作趙固一作

冷道互異盾弟邵字道期元帝為安東將軍以邵為長史魏志

裴潛傳注晉諸公贊曰次邵有器望晉元帝為安東將軍邵為長史侍中王曠與司馬越書曰裴邵在此雖不

治事然識量弘達此下人士大敬附之案邵與邵彤近致誤未知孰是王導為司馬二人

相與為深交徵為太子中庶子復轉散騎常侍使持節

都督揚州江西淮北諸軍事東中郎將隨越出項而卒

於軍中及王導為司空既拜嘆曰裴道期劉王喬在吾

不得獨登此位案此語亦見劉魏傳末導子仲豫與康同字導思

舊好乃改為敬豫焉

楷弟緯字季舒器宇宏曠魏志裴潛傳注晉諸公贊曰緯以明達為稱世說品藻篇

注王朝目錄曰綽字仲舒楷弟也名亞於楷案楷字叔則綽爲楷弟當字季舒仲乃譌文周家祿校勘記曰子目無宜附憲傳按黎康綽諸人皆楷傳餘文入裴一段又係總結全篇與王覽傳後同故知當附憲傳官至黃門侍郎長水校尉魏志裴潛傳注裴松之謂荀綽稱綽黃門侍郎早卒追贈長水校尉世說品藻篇注引王朝綽子遐世說公贊曰裴遐字目錄作歷中書黃門侍郎叔道父綽永嘉流人名王衍第四女適遐聖賢羣輔錄下云遐字叔道璣子案璣爲楷子如陶氏說遐爲楷孫非楷弟綽之子矣甚誤元和姓纂三又善言立理音辭云徵與子遐號入裴子字當是孫之誤善言立理音辭清暢冷然若琴瑟世說文學篇注晉諸公贊曰遐少有理稱辟司空掾散騎郎鄧粲晉紀曰遐以辯論爲業善敘名理辭氣清暢冷然若琴瑟聞其言者知與不知無不歎服案傳不載歷官從略嘗與河南郭象談論一坐嗟服又嘗在平東將軍周馥坐與人圍碁馥司馬行酒遐未卽飲司馬醉怒因曳遐墮

地遐徐起還坐顏色不變復棊如故其性虛和如此書鈔

一百三十三鄧粲晉紀曰裴遐賦性恬和同類有試遐者推墮牀下遐乃拂衣還坐言無愠色世說雅量篇曰遐正戲不時爲飲司馬志因曳遐墜地遐還坐舉止如常顏色不變復戲如故王夷甫問遐當時何得顏色不變異荅曰直是東海王越引爲主簿後爲越子毗所害初聞當故耳

裴王二族盛於魏晉之世時人以爲入裴方入王徽比王祥楷比王衍康比王綏綽比王澄瓚比王敦遐比王導顧比王戎邈比王玄云

史臣曰周稱多士漢曰得人取類星象頡頏符契時乏名流多以幹翮相許自家光國豈陳騫之謂歟秀則聲蓋朋僚稱爲領袖楷則機神幼發目一作自以清通俱爲

晉代名臣良有以也

贊曰世既須才才應世至高平沈敏蘊茲名器鉅鹿自  
然亦云經筵燭皇鍊石晉圖開祕顧有清規承家來媚

晉書斟注卷三十五

晉書附注卷三十六

錢塘吳士鑑

同注

烏程劉承幹

列傳第六

衛瓘

子泓

孫瓌

玠

衛瓘字伯玉河東安邑人也高祖曷漢明帝時以儒學

自代郡徵至河東安邑卒因賜所亡地而葬之子孫遂

家焉父瓘魏尚書

魏志衛瓘傳曰字伯儒為尚書封閭鄉侯薨謚敬侯太平廣記二百九名

書錄曰瓘魏尚書僕射善草及古文略盡其妙草體微瘦而筆跡精熟

瓘年十歲喪父至

孝過人性貞靜有名理

魏志衛瓘傳注晉陽秋曰清貞有名理少為傅嘏所知以



明識清允稱襲父爵閔鄉侯弱冠爲魏尚書郎時魏法

嚴苛母陳氏憂之瓘自請得徙爲通事郎轉中書郎

讀史

舉正日案職官志魏置通事郎  
晉改中書侍郎傳分爲二誤

時權臣專政瓘優游其

閒無所親疎甚爲傅嘏所重謂之甯武子在位十年以

任職稱累遷散騎常侍陳留王卽位拜侍中持節慰勞

河北以定議功增邑戶數歲轉廷尉卿瓘明法理每至

聽訟小大以情鄧艾鍾會之伐蜀也瓘以本官持節監

艾會軍事行鎮西軍司

魏志衛覲傳曰瓘咸熙中爲鎮西將軍御覽三百四十五王隱

晉書曰會素與瓘至厚坐則同牀行則同輿案  
書鈔六十三引王隱晉書亦作行鎮西軍司

給兵千

人蜀旣平艾輒承制封拜會陰懷異志因艾專擅密與

瑾俱奏其狀詔使檻車徵之會遣瑾先收艾會以瑾兵少欲令艾殺瑾因加艾罪瑾知欲危已然不可得而距乃夜至成都檄艾所統諸將稱詔收艾其餘一無所問若來赴官軍爵賞如先敢有不出誅及三族比至鷄鳴悉來赴瑾唯艾帳內在焉平旦開門瑾乘使者車徑入至成都殿前書鈔六十三引王隱晉書殿上有尉字艾卧未起父子俱被執艾諸將圖欲劫艾整仗趣瑾營瑾輕出迎之偽作表草將申明艾事諸將信之而止書鈔六十三王隱晉書日艾父子俱受取諸將懷艾者圖劫取艾整兵向瑾瑾輕衣將一給便出營門欺作表章示之申明艾事諸將信之皆解散俄而會至乃悉請諸將胡烈等因執之囚益州解舍遂發兵

反於是士卒思歸內外騷動人情憂懼會留瓘謀議乃

書版云欲殺胡烈等舉以示瓘瓘不許因相疑貳

御覽三百

四十五王隱晉書曰瓘言不可會自瓘如廁見胡烈故

削并反問瓘何許聞消息相疑益露

御覽三百

給使使宣語三軍言會反會逼瓘定議經宿不眠

四十五引王隱晉書各橫刀膝上在外諸軍已潛欲攻

會瓘既不出未敢先發會使瓘慰勞諸軍瓘心欲去且

堅其意曰卿三軍主宜自行會曰卿監司且先行吾當

後出瓘便下殿會悔遣之使呼瓘瓘辭眩疾動詐仆地

比出閤數十信追之瓘至外解服鹽湯大吐瓘素羸便

似困篤會遣所親人及醫視之皆言不起會由是無所

憚及暮門閉瑾作檄宣告諸軍諸軍並已唱義陵旦共  
攻會會率左右距戰諸將擊敗之唯帳下數百人隨會  
繞殿而走盡殺之瑾於是部分諸將一作羣情肅然鄧  
艾本營將士復追破檻車出艾還向成都瑾自以與會  
共陷艾懼爲變又欲專誅會之功乃遣護軍田續至縣  
竹夜襲艾於三造亭斬艾及其子忠初艾之入江由也  
以續不進將斬之旣而赦焉及瑾遣續謂之曰可以報  
江山之辱矣魏志鄧艾傳注漢晉春秋曰艾之下江由  
謂曰可以報江山之辱矣杜預言於眾曰伯玉其不免  
乎身爲名士位望已高旣無德音又不御下以正是小  
人而乘君子之器將何以堪事平書鈔六十三王隱晉  
其責乎瑾聞之不候駕而謝  
書曰綏納新舊離合

同異華陽  
即敘

朝議封瑾瑾以剋蜀之功羣帥之力二將跋扈

自取滅亡雖運智謀而無舉旗之效固讓不受除使持

節都督關中諸軍事鎮西將軍尋遷都督徐州諸軍事

鎮東將軍增封菑陽侯

宋書荀伯子傳作蕭陽

以餘爵封弟實開

陽亭侯泰始初轉征東將軍進爵爲公都督青州諸軍

事青州刺史

書鈔七十二晉起居注詔曰征東將軍衛瑾忠允清識有文武之才宜令宣風萬里

爲青州刺史以統戎政

加征東大將軍青州牧所在皆有政績除

征北大將軍

通典十九山公啟事曰大將軍雖不整正須筋力戎馬閒猶宜德健者征北大將軍

瑾貞正靜一中書監助達練事物二人皆人彥不審有可參軍者不案本傳及助傳均不言何人參軍蓋薦而

未用也

都督幽州諸軍事幽州刺史護烏桓校尉至鎮表

立平州後兼督之于時幽并東有務桓西有力微並爲

邊害瑾離間二虜遂致嫌隙於是務桓降而力微以憂

死魏書序紀曰神元皇帝力微五十六年遣子文帝復

死如晉其年冬還國晉帝征北將軍衛瑾以帝爲人雄異

恐爲後患乃密啟晉帝請留不遣晉帝難於失信不許

瑾復請以金錦賂國之大入令致閒隙使相危害晉帝

從之遂留帝於是國之執事及外部大人皆受瑾貨五

十八年方遣帝諸大人馳詣塞南矯害帝其年始祖不

豫烏丸王庫賢親近任勢先受衛瑾之貨故欲沮動諸

部因在庭中厲鉞斧諸大人問欲何爲答曰上恨汝曹

讒殺太子今欲盡收諸大人長子殺之大人皆信朝廷

各各散走始祖尋崩案務桓卽烏丸譯音異字

嘉其功賜一子亭侯瑾乞以封弟未受命而卒子密受

封爲亭侯瑾六男無爵

案本傳有第四子宣及子恒嶽裔愍懷太子傳有衛瑾息庭其

名字無可攷悉讓二弟遠近稱之累求入朝旣至武帝

者僅一人

善遇之俄使旋鎮咸寧初徵拜尚書令加侍中性嚴整

以法御下視尚書若參佐尚書郎若掾屬

書鈔五十九王隱晉書曰

下蓋曰問瓚視諸尚書如視參佐視參佐諸郎如視掾屬瓚學問深博明習文藝與

尚書郎敦煌索靖俱善草書時人號爲一臺二妙

魏志衛覲

傳注世語曰瓚與扶風內史熒煌索靖並善草書索靖本傳不言爲扶風內史太平廣記二百九名書錄曰瓚採芝法以覲法參之更爲草藁藁是相聞書也類聚七十四王隱晉書曰一臺二妙天下爲希漢末張

芝亦善草書論者謂瓚得伯英筋靖得伯英肉太康初

遷司空侍中令如故爲政清簡甚得朝野聲譽武帝勅

瓚第四子宣尚繁昌公主瓚自以諸生之胄婚對微素

抗表固辭不許又領太子少傅

御覽七百六十二王隱晉書曰衛瓚爲太子少

傳詔賜園田木確不受書鈔六十五引王隱晉書作加  
爲太保領少傅案本傳進位太保尙在領少傅之後加  
千兵百騎鼓吹之府以日蝕璫與太尉汝南王亮司徒  
魏舒俱遜位帝不聽璫以魏立九品是權時之制非經  
通之道宜復古鄉舉里選趙翼廿二史劄記曰魏文帝  
初定九品中正之法都邑設  
小中正州設大中正由小中正品第人才以上大中正  
大中正核實以上司徒司徒再核然後付尙書選用此  
陳羣所建白也然魏武時何夔疏言今草創之際川人  
未詳其本是以各引其類宜先核之鄉閭使長幼順序  
無相踰越則賢不肖先分體杜恕亦疏言宜使州郡考  
士必由四科皆有事效然後察舉試辟公府此又在  
陳羣之前蓋漢以來本以察舉孝廉爲士人入仕之路  
迨日久弊生黃緣勢利猥濫益甚故夔等欲先清其原  
專歸重於鄉評以核其素行羣又密其法而差等之因  
論定官才之法也然行之未久夏侯元已謂中正干銓  
衡之權既而晉衛瓘亦以爲言是可見法立弊生而九  
品之升降尤易淆亂也今以各史參考鄉邑清議亦時



有主持公道者如陳壽遭父喪有疾令婢丸藥客見之鄉黨以爲貶議由是沈滯累年張華申理之始舉孝廉壽聞父亦西州名士被清議與壽皆廢棄醢下粹因弟哀有門內之私粹遂以不訓見譏被廢醢壺並有已服官而仍以清議升黜者長史韓預強聘楊欣女爲妻時欣有姊喪未經旬張輔爲中正遂貶預以清風俗醢陳壽因張華奏已官治書侍御史以葬母洛陽不歸喪於蜀又被貶議由此遂廢壽劉頌嫁女於陳矯矯本劉氏子出養於姑遂姓陳氏中正劉友譏之顗李含爲秦王郎中令王薨含侯葬訖除喪木州大中正以名義貶含傳咸申理之詔不許遂割爲五品齡淮南小中正王式父沒其繼母終喪歸於前夫之子後遂合葬於前夫卜壺刻之以爲犯禮害義并劾司徒及揚州大中正淮南大中正含宏徇隱詔以式付鄉邑清議廢終身體溫嶠已爲丹陽尹平蘇峻有大功司徒長史以嶠母亡遭亂不葬乃下其品勸是已入仕者尙須時加品定其法非不密也且石虎詔云魏立九品之制三年一清定之亦人倫之明鏡也先帝黃紙再定以爲選舉今又閱三年主者更銓論之是魏以來尙有三年更定之例初非一經品定卽終身不改易其法更未嘗不詳慎也且中

正內亦多有矜慎者如劉毅告老司徒舉為青州大中  
正尚書謂毅既致仕不宜煩以碎務石鑒等力爭乃以  
毅為之銓正人清流濁區別其所彈貶自親貴者始  
司徒王渾奏周靚理識清正主定九品檢括精詳褒貶  
允當體燕國中正劉沈舉霍原為二品司徒不過沈上  
書謂原隱居求志行成名立張華等又特奏之乃為上  
品韓璽韓璽居華素重張執安定中正訪問者論邑人  
品狀曰天才英  
居二品韓璽王濟為太原大中正訪問者論邑人  
孫楚則曰此人非卿所能目吾自為之乃狀曰天  
博亮拔不羣韓華恒為州中正鄉人任讓輕薄無行  
恒所黜韓康伯為中正以周靚居喪廢禮脫落名教  
不通其議韓康伯之子暄以落魄暗喑不為中正所  
品久不得調韓康伯之子暄以落魄暗喑不為中正所  
人才之權奇之於下豈能日久無弊晉武為公子時以  
相國子當品鄉里莫敢與為輩十二中正共舉鄭默  
劉卞初入太學試經不當為四品臺吏訪問勸之  
令寫黃紙一鹿車下不肯訪問怒言於中正乃退為  
書令史勸孫秀初為郡吏求品於鄉議王衍將不許  
從兄戎勸品之及秀得志朝士有宿怨者皆誅而戎  
獲濟賊何劭初亡袁粲紹興來弔其子岐辭以疾粲

獨哭而出曰今年決下婢子品王詒曰岐前多罪時爾  
何不不下其父新亡便下岐品人謂畏強易弱也勸是  
時中正所品高下全以意爲輕重故段灼疏言九品訪  
人惟問中正據上品者非公侯之子孫卽當途之昆弟  
觀劉毅亦疏言高下任意榮辱在手用心百態求者萬  
端黷此九品之流弊見於章疏者眞所謂上品無寒門  
下品無世族高門華閥有世及之榮庶姓寒人無寸進  
之路選舉之弊至此而極然魏晉及南北朝三四百年  
莫有能改之者蓋當時執權者卽中正高品之人各自  
顧其門戶固不肯變法且習俗已久自帝王以及士庶  
皆視爲固然而與太尉亮等上疏曰昔聖王崇賢舉善  
無可如何也

而教用使文選爲宋公求加贈劉前軍表注朝廷德讓  
引王隱晉書教用使作教用彰

野無邪行誠以閭伍之政足以相檢詢事考言必得其  
善人知名不可虛求故還修其身是以崇賢而俗益穆  
黜惡而行彌篤斯則鄉舉里選者先王之令典也自茲

以降此法陵遲魏氏承顛覆之運起喪亂之後人士流  
移考詳無地故立九品之制粗且爲一時選用之本耳  
其始造也鄉邑清議不拘爵位褒貶所加足爲勸勵猶  
有鄉論餘風中間漸染遂計資定品使天下觀望唯以  
居位爲貴人棄德而忽道業爭多少於錐刀之末傷損  
風俗其弊不細今九域同規大化方始臣等以爲宜皆  
蕩除末法一擬古制以土斷定自公卿以下皆以所居  
爲正無復懸客遣屬異土者如此則同鄉鄰伍皆爲邑  
里郡縣之宰卽以居長盡除中正九品之制使舉善進  
才各由鄉論然則下敬其上人安其教俗與政俱清化

與法並濟人知善否之教不在交遊卽華競自息各求  
於己矣今除九品則宜準古制使朝臣共相舉任於出  
才之路旣博且可以厲進賢之公心覈在位之明闇誠  
令典也武帝善之而卒不能改惠帝之爲太子也朝臣  
咸謂純質不能親政事瓘每欲陳啟廢之而未敢發覽  
四百五十三臧榮緒晉書曰瓘議及經國屢形於顏色後會宴陵雲臺瓘託醉因  
跪帝牀前曰臣欲有所啟帝曰公所言何耶瓘欲言而  
止者三因以手撫牀曰此座可惜帝意乃悟因謬曰公  
眞大醉耶瓘於此不復有言賈后由是怨瓘宣尙公主  
數有酒色之過楊駿素與瓘不平駿復欲自專權重宣

若離婚瑾必遜位於是遂與黃門等毀之諷帝奪宣公

主瑾慚懼告老遜位

御覽一百五十二晉諸公贊曰初

遇黃門

不厚致有讒構

楊駿欲專朝政調內外奪宣主

權由此

去位上會諸如主議問主宣待汝薄今欲離汝

意云何主素謂不能自申但泣泣是不欲離諸如主因

言是婦人重於再出故泣耳於是遂離與姊妹書稱故

婦乃下詔曰司空瑾年未致仕而遜讓歷年欲及神志

未衰以果本情至真之風實感吾心今聽其所執進位

太保以公就第給親兵百人

書鈔五十二初學記十一御覽二百六晉起居注太

保衛瑾明允篤誠有匪躬之志其給千兵騎百人

置長史司馬從事中郎掾屬

及大車官騎麾蓋鼓吹諸威儀一如舊典給廚田十頃

園五十畝錢百萬絹五百匹牀帳簟褥主者務令優備

以稱吾崇賢之意焉有司又奏收宣付廷尉免瓚位詔不許帝後知黃門虛構欲還復主而宣疾亡惠帝卽位復瓚千兵及楊駿誅以瓚錄尙書事加綠綬綬劍履上殿入朝不趨給騎司馬與汝南王亮共輔朝政亮奏遣諸王還藩與朝臣廷議無敢應者唯瓚贊其事楚王瑋由是憾焉賈后素怨瓚且忌其方直不得騁己淫虐又聞瓚與瑋有隙遂謗瓚與亮欲爲伊霍之事啟帝作手詔使瑋免瓚等官黃門齎詔授瑋瑋性輕險欲騁私怨夜使清河王遐收瓚左右疑遐矯詔咸諫曰禮律刑名台輔大臣未有此比且請距之須自表得報就戮未晚

也。瓘不從，遂與子恆、嶽裔及孫等九人同被害。御覽五百九十

六采哲弔衛巨山文曰：元康元年，楚王瑋矯詔舉兵害太保衛公及公四子三孫。案廣微云：四子三孫與本傳

大異。文云：自本郡來赴時，年七十二。恆二子璵、玠時在其喪，似其言爲可信也。

醫家得免。初，杜預聞瓘殺鄧艾，言於眾曰：「伯玉其不免。」

平身爲名士，位居總帥，既無德音，又不御下，以正是小

人而乘君子之器，當何以堪？其責乎瓘，問之不俟駕而

謝終如預言。初，瓘家人炊飯墮地，盡化爲螺。宋五行志曰：盡化爲

螺，出足起行，螺龜類。近龜，孽也。干寶曰：螺被甲兵象也。於周易爲离，离爲戈兵。明年瓘誅歲餘而及

禍。太保主簿劉繇等冒難收瓘而葬之。寰宇記四十六

日：衛瓘墓在安邑縣東十七里高埃原上。舊傳云：初，瓘爲司空時，帳下衛瓘葬高樛，今墓前有高樛古道。



督榮晦有罪

通鑑晉紀注曰姓譜榮姓周榮公之後

璫斥遣之及難作隨

兵討璫故子孫皆及于禍楚王瑋之伏誅也璫女與國臣書曰先公名謚未顯無異凡人每怪一國蔑然無言春秋之失其咎安在悲憤感慨故以示意於是繇等執黃旛擗登聞鼓上言曰初矯詔者至公承詔當免即便奉送章綬雖有兵仗不施一刀重勅出第單車從命如矯詔之文唯免公官右軍以下卽承詐僞違其本文輒戮宰輔不復表上橫收公子孫輒皆行刑賊害大臣父子九人伏見詔書爲楚王所誑誤非本同謀者皆弛遣如書之旨謂里舍人被驅逼齎白杖者耳律受教殺人

不得免死況乎手害功臣賊殺忠良雖云非謀理所不赦今元惡雖誅殺賊猶存臣懼有司未詳事實或有縱漏不加精盡使公父子讐賊不滅冤魂永恨訴於穹蒼酷痛之臣悲於明世臣等身被創痍殞斂始訖謹條瓘前在司空時帳下給使榮晦無情被黜知瓘家人數小孫名字晦後轉給右軍其夜晦在門外揚聲大呼宣詔免公還第及門開晦前到中門復讀所齎僞詔手取公章綬貂蟬催公出第晦校次錄瓘家口及其子孫皆兵仗將送著東亭道北圍守一時之間便皆斬斫害公子孫實由於晦及將人劫盜府庫皆晦所爲考晦一人衆

姦皆出乞驗盡情僞加以族誅詔從之朝廷以瓘舉門  
無辜受禍乃追瓘伐蜀勲封蘭陵郡公增邑三千戶謚  
曰成贈假黃鉞

恆字巨山少辟司空齊王府轉太子舍人尙書郎祕書  
丞太子庶子黃門郎

魏志衛瓘傳注引  
世語作黃門侍郎

恆善草隸書爲

四體書勢曰昔在黃帝創制造物有沮誦倉頡者始作  
書契以代結繩蓋覩鳥跡以興思也因而遂滋則謂之  
字有六義焉一日指事上下是也二日象形日月是也  
三日形聲江河是也四日會意武信是也五日轉注老  
考是也六日假借令長是也

案此承用許君說文解字  
序惟三日諧聲作形聲與

許書異廣韻作一日象形二日會意三日形夫指事者聲四日指事五日假借六日轉注次第大異

在上爲上在下爲下象形者日滿月虧效其形也形聲者以類爲形配以聲也會意者止戈爲武人言爲信也轉注者以老壽考也假借者數言同字其聲雖異文意一也自黃帝至三代其文不改及秦用篆書焚燒先典

而古文絕矣漢武時魯恭王壞孔子宅得尙書春秋論語孝經時人以不復知有古文謂之科斗書

魏志劉劭傳注引文

章敘錄以不復作已不復漢藝文志曰武帝末魯恭王壞孔子宅欲以廣其宮而得古文尙書及禮記論語孝經凡數十篇皆古字也恭王往入其宅間鼓琴瑟鍾磬之音於是懼乃止不壞孔安國者孔子後也悉得其書以考二十九篇得多十六篇安國獻之遭巫蠱事未列于學官劉向以中古文校歐陽大小夏侯三家經文文

字異者七百有餘脫字數十又曰尙書古文經四十六  
卷注云爲五十七篇師古曰孔安國書序云凡五十九  
篇爲四十六卷承詔作傳引序各冠其篇首定五十八  
篇鄭元敘贊云後又亡其一篇故五十七王先謙漢書  
補注曰四十六卷者孔安國所得壁中古文以考伏生  
二十九篇得多十六篇共四十五篇加孔子序一篇鯁  
明又曰論語古二十一篇爲四十六篇故云四十六卷也漢  
志又曰分堯曰篇後子張問何如可以從政已下爲篇名  
曰從政漢書補注曰王應麟曰何晏序云古論惟博士  
孔安國爲之訓解而世不傳新論云文異者四百餘字  
春秋正義引哀公問主於宰我案古論語及孔鄭皆以  
爲社主張包周等並爲廟主說文引論語皆古文漢志  
又曰孝經古孔氏一篇注云二十二章師古曰劉向云  
古文也庶人章分爲二也會子敢問章爲三又多一  
章凡二十二章漢書補注曰王應麟曰許冲上父說文  
云古文孝經者昭帝時魯國三老所獻建武時給事中  
議郎衛宏所校案志云孔氏壁中古文則與尙書同出  
也蓋始出於武帝時至昭帝時乃獻之經典釋文敘錄  
曰古文尙書者孔惠之所藏也魯恭王壞孔子舊宅於

壁中得之并禮論語孝經皆科斗文字博士孔安國以  
校伏生所誦為隸古寫之增多伏生二十五篇又伏生  
誤合五篇凡五十九篇為四十六卷案陸氏所云卷數  
與漢志合惟增多伏生二十五篇又伏生誤合五篇與  
漢志異又曰古論語者出自孔氏壁中篇次不與齊魯  
論同孔安國為傳後漢馬融亦注之又曰孝經又有古  
文出于孔氏壁中別有閨門一章自餘分析十八章總  
為二十二章孔安國作傳劉向校書定為十八後漢馬  
融亦作古文孝經傳而世不傳案巨山謂恭王壞孔子  
宅得何書春秋論語孝經攷之漢志及釋文序錄但有  
何書禮記論語孝經未有言春秋出自孔氏者元朗又  
引鄭君六藝論云後得孔氏壁中河間獻王古文禮五  
十六篇記百三十一篇周禮六篇其十七篇與高堂生  
所傳同而字多異漢志有禮古經五十六卷即孔壁所  
出王伯厚考證引劉歆移書云魯恭王得古文於壞壁  
而鄭君言之尤詳確然不可信巨山乃誤以禮為春秋此  
非漢人相傳之說也是不可以不辨據禮補註引綴狂  
說云傳北平其縣言出春秋左氏傳漢世祕藏希得見之  
二十篇出恭王壁中論非傳實

魏初傳古文者出於邯鄲淳

魏志王粲傳曰潁川邯鄲淳注魏略曰淳一名竺字

子叔博學有才章又善蒼頡蟲篆許氏字指黃初中爲博士給事中淳作投壺賦千餘言奏之文帝以爲工

恆祖敬侯寫淳尙書後以示淳而淳不別至正始中立

三字石經轉失淳法因科斗之名遂效其形

魏志劉劭傳注引文

章敘錄其形作其法隋志三字石經尙書九卷梁有十

三卷三字石經尙書五卷石經春秋三卷梁有十二卷

唐志三字石經尙書古篆三卷三字石經左傳古篆書

十三卷御覽五百八十九西征記曰國子堂前有刻碑

南北行三十五版表裏書春秋經尙書二部大篆隸科

斗三種字碑長八尺今有十八版存餘皆崩隸續曰魏

三體石經左傳遺字古文三百七篆文二百十七隸書

二百九十五有一字而三體不具者皇祐癸巳年洛陽

蘇望氏所刻蘇君有言曰後漢熹平四年靈帝以經籍

文字穿鑿疑誤後學詔諸儒備定三經命蔡邕書古文

篆隸三體鑄石立於太學今石不存本亦罕見收者近

於故相王文康家得左氏傳搨本數紙其石斷剝字多

亡缺取其完者摹刻之凡八百一十九題曰石經遺字  
卽小歐陽集古目中所有者慶厯中夏文莊公集古文  
四聲韻所載石經數十字蓋有此碑所無者而碑中古  
文亦有韻所不收者則淪落之餘兩家所得自不同耳  
石經則見於范史帝紀及儒林官者傳皆曰五經蔡邕張  
馴傳則曰六經惟儒林傳云爲古文篆隸三體書法鄭  
氏水經云漢立石經於太學魏正始中又刻古文篆隸  
三字石經唐志有三字石經古篆兩種曰尙書曰左傳  
獨隋志所書異同其目有一字石經七種三字石經三  
種既以七經爲蔡邕書矣又云魏立一字石經乃其誤  
也范蔚宗時三體石經與熹平所鐫並列於學宮故史  
筆誤書其事後人襲其譌錯或不見石刻無以考正趙  
氏雖以一字爲中郎所書而未嘗見三字者近世方勺作泊宅編載  
三體爲漢碑而未嘗見一字者近世方勺作泊宅編載  
其弟甸所跋石經亦爲范史隋志所或指三體爲漢字  
至公羊碑有馬日碑等名乃云魏世用其所正定之本  
因存其名可謂謬論夏氏所注古文旣以此碑爲石經  
又有蔡邕石經亦非也隸釋鑒漢魏之字法詳公羊之  
題名據水經之事實辨二史之牴牾已定一字遺經爲  
漢刻矣續得蘇氏此碑益喜前說猶墨守也厯古所疑



於今始判會稽所鐫隸纂亦存三體數十字使來者有  
以取信焉朱彝尊經義攷曰魏石經本屬三字惟典論  
一卷乃一字爾世傳經爲邯鄲涪所書而晉書衛恆傳  
謂正始中立三字石經轉失涪法其非涪書明矣趙至  
傳云年十四詣洛陽游太學遇橋康於學寫石經徘徊  
不能去嵇紹亦曰至入太學觀先君在學寫石經古文  
然則正始石經實康等所書也孫星衍魏三體石經遺  
字校釋序曰隸續所載三字石經蓋魏正始中立石宋  
皇祐時蘇望得搨本摹刻於洛陽古文三百七篆文二  
百十七隸書二百九十五凡八百一十九爲尙書大詁  
呂刑文侯之命春秋左氏桓莊宣襄四公經文亦有傳  
考孔子壁中書有禮記尙書春秋論語孝經皆科斗古  
文漢世藏於祕府亡於晉永嘉之亂魏初邯鄲涪猶得  
目觀而手摹之故衛恆四體書勢稱涪爲傳古文又謂  
正始立石失涪法則涪書實孔壁古文也其石在洛陽  
太學講堂西石長八尺廣四尺碑石四十八枚廣三十  
丈見於水經注涪旣得見古文所書當有他經而獨存  
尙書春秋者魏齊先後徙洛陽石經於鄴都多沒於水  
隋開皇時又徙於長安以亂廢爲柱礎但有傳拓之本  
存於祕府故隋經籍志載三字石經惟尙書九卷五卷

春秋三卷比之七錄所有卷數且失大半其餘易書詩  
僖禮春秋公羊論語孝經卽一字石經而已然其時經  
石猶有存者唐貞觀中魏徵請置三字石經十數段於  
九成宮祕書監武后時移於著作院或鄴都長安之餘  
又有開元五年得三字春秋一十三紙至周顯德中嗣  
太子傳寫之唐世書學博士教國子生以石經說文字  
林爲業石經三體書限三年業成卽用此諸本郭忠恕  
取以入汗簡多出隸續四十餘字至宋夏竦之爲古文  
四聲韻增多之字無殊絕者宋金之亂中原淪喪經石  
既失隋唐故府本及北宋摹本俱不存焉惟餘隸續所  
載傳寫亦稀善本三體石經之學於是幾絕於世矣今  
就隸續遺字考其篆法足以補正說文又可知古文假  
借之義或合於說文所載古文重文或足補說文未備  
尋釋字畫實爲小學圭臬唐宋已來不究古篆傳寫音  
釋頗多謬舛幾不知所從蘇氏又以尙書春秋左氏錯  
雜成文命爲左傳不加分別倘有令甲如唐世用三體  
石經課士其學無由復興豈不惜哉蒙不敏夙究篆籀  
之學就隸續所載理而董之證以經典字書爲之音釋  
又得嚴孝廉所均洪明經頤煊互相是正刊刻傳遠竊  
附古人好古善述之志倘吾言疏謬俟通人更定之若

夫三字一字五經六經之異說  
洪氏已詳辨之不復贅述云

太康元年汲縣人盜發

魏襄王冢得策書十餘萬言案敬侯所書猶有髣髴

魏志

衛凱傳曰好古文鳥篆隸草無所不善

古書亦有數種其一卷論楚事者

最爲工妙恆竊悅之故竭愚思以贊其美愧不足廁前

賢之作冀以存古人之象焉古無別名謂之字勢云

全晉

文注曰案字下有脫文

黃帝之史沮誦倉頡眺彼鳥跡始作書契

紀綱萬事垂法立制帝典用宣質文著世爰暨暴秦滔

天作戾大道既泯古文亦滅魏文好古世傳上墳厯代

莫發眞僞靡分大晉開元弘道敷訓天垂其象地耀其

文其文乃耀粲矣其章因聲會意類物有方日處君而

盈其度月執臣而虧其旁雲委蛇而上布星離離以舒  
光禾卉芣蓢以垂穎山嶽嵯峨而連岡蟲跂跂其若動  
鳥似飛而未揚觀其錯筆綴墨用心精專勢和體均發  
止無閒或守正循檢矩折規旋或方員靡則因事制權  
其曲如弓其直如弦矯然特出若龍騰于川森爾下積  
若雨墜于天或引筆奮力若鴻鴈高飛邈邈翩翩或縱  
肆阿邴若流蘇懸羽靡靡綵綵是故遠而望之若翔風  
厲水清波漪漣就而察之有若自然信黃唐之遺跡爲  
六藝之範先籀篆蓋其子孫隸草乃其會立觀物象以  
致思非言辭之可宣昔周宣王時史籀始著大篆十五

篇或與古同或與古異世謂之籀書者也

漢藝文志曰史籀十五篇

自注周宣王時太史作大篆十五篇建武時亡六篇矣

又曰史籀篇者周時史官教學童者也與孔氏壁中古文

文異體許慎說文解字序曰宣王太史籀著大篆十五

篇與古文或同或異至孔子書六經左邱明述春秋傳

皆曰古文厥意可得而說顏師古急就篇注敘曰昔在

周宣粵有史籀演暢古文初著大篆漢書補注曰王鳴

盛曰說文謂之史篇籀文今說文九千三百五十三字其

數與此志籀書九千字以上相合但說文或取古文或

取大篆或取小篆以意參酌定之非專取史籀建武亡

六篇當許氏時已無全本許氏固不能盡遵用之也沈

欽韓曰說文敘大篆十五篇與說文或異張懷瓘書斷

云以史官製之用以教授謂之史書凡九千字唐玄度

十體書曰王莽亂之此篇亡失建武中獲九篇王有為

者十有二三不通及平王東遷諸侯力政家殊國異而文

字乖形秦始皇帝初兼天下丞相李斯乃奏益之罷不

合秦文者斯作倉頡篇中車府令趙高作爰厯篇太史

令胡毋敬作博學篇皆取史籀大篆或頗省改所謂小

篆者漢藝文志曰倉頡一篇上七章秦丞相李斯作爰

敬作又曰倉頡爰厯博學文字多取史籀篇而篆體復

頗異所謂秦篆者也是時始造隸書矣起於官獄多事

苟趨省易施之於徒隸也漢書隸書篇曰趙主間里師合

倉頡爰厯博學三篇斷六十字以爲一章凡五十五章

并爲倉頡篇說文解字敘曰秦始皇帝初兼天下丞相

李斯乃奏同文字罷其不與秦文合者斯作倉頡篇取

史籀大篆或頗省改所謂小篆者也又曰自爾秦書有

八體一曰大篆水經穀水注曰大篆出于周宣之時史

籀創著平王東遷文字乖錯秦之李斯及胡毋敬改籀

書謂之小篆故有大篆小篆乖錯秦之李斯及胡毋敬改籀

作倉頡篇首始有倉頡句遂以名篇猶史游之急就也

爰厯博學等名倣此鄭注周禮引倉頡篇中幼子承詔因曰

揚篇許氏說文序稱俗儒見倉頡篇中幼子承詔因曰

古帝之所作也其詞有神僊之術焉此七章中之篇目

可攷也郭璞注爾雅引倉頡篇曰考妣延年顏氏家訓  
書證篇引倉頡篇曰漢兼天下海內并厠豨黥韓覆叛  
討殘滅此七章中之語句可攷也至吾邱衍誤以倉頡  
爲十五篇且謂卽說文目錄五百四十字此乃其師說  
之繆不足信也家訓書證篇曰蒼頡篇李斯所造而云  
漢兼天下海內并厠豨黥韓覆畔討滅殘皆由後人所  
羣非本或曰下土人程邈爲衙獄吏御覽七百四十九  
文也程邈邈字元岑始爲縣獄吏得罪始皇幽繫雲陽十年  
案本傳下土當是下邳之誤得罪始皇幽繫雲陽十年  
從獄中作大篆少者增益多者損減方者使員員者使  
方奏之始皇始皇善之出以爲御史使定書或曰邈所  
定乃隸字也御覽七百四十九書斷曰隸書者程邈所  
字張彥遠法書要錄七引蔡邕聖皇篇云程邈刪古立  
隸文劉熙載藝概曰凡隸體中皆暗包篆體欲以分書  
論分者當先問程隸是幾分書雖程隸世已無傳然以  
漢隸逆推之當必不如閣帖中所謂程邈書直是正書

也自秦壞古文有八體一日大篆二日小篆三曰刻符  
四曰蟲書五日摹印六日署書七日殳書八曰隸書王  
莽時使司空甄豐校文字部改定古文復有六書一日  
古文孔氏壁中書也二曰奇字即古文而異者也三日  
篆書秦篆書也四曰佐書即隸書也五日繆篆所以摹

印也六曰鳥書所以書幡信也

案此所述八體六書承用許氏說文序惟改左

書爲佐書謝氏啟昆小學攷云八體六技漢志入篇當是漢興所試之入體合以亡新改定之六書技字似誤蓋以古文奇字易大篆刻符署書及書篆書即小篆左書即隸書繆篆即摹印鳥蟲書即蟲書漢興所試用秦入體用秦入體許氏說文序甚明故江式論書表孔穎達書正義俱從之班氏藝文志旣用七略載八體六技之目而敘論以入體爲六體深所未喻隋志亦沿其失漢書補注曰王應麟曰所謂六技者疑即亡新六書沈



欽韓曰說文繫傳云臣錯案蕭子良以刻符摹印合爲一體臣以爲符者內外之信若晉鄧奪魏王兵符又云借符以罵宋然則符者書竹而中剖之字形半分摹印屈曲填密秦璽文是子良誤合之署書者蕭子良云漢高六年蕭何所定以題蒼龍白虎二關羊欣云蕭何思累月然後題之爰書者爰體入觚隨其勢而書之李廣芸曰六技當是八篇之謠下總云小學四十五篇併此入篇正合四十五篇之數先謙曰六技王說是李說非也莽改六書有古文奇字篆書隸書繆篆蟲書六種下文亦云六體是也八體是否八篇書無明證又刪去六技下文及許慎撰說文用篆書爲正以爲體例最不可通矣

得而論也秦時李斯號爲二篆魏志劉劭傳注引文諸章敘錄二篆作工篆諸山及銅人銘皆斯書也葉昌熾語石曰秦始皇帝東巡琅邪次之罘由碣石而會稽遂有沙邱之變今惟琅邪臺一刻尙存諸城海神祠內通行拓本皆十行惟段松苓所拓精本前後得十三行翁阮孫三家著錄者皆是也泰山二十九字先在嶽頂玉女池上後移置碧霞元

君廟乾隆五年燬於火今殘石僅存十字耳之罽礪石  
會稽三石久亡鐫山唐時焚於野火當時卽有摹本杜  
詩所謂棗木傳刻漢建初中扶風曹喜少異於斯而亦  
肥失真者是也

稱善邯鄲淳師焉

太平廣記二百九王僧虔名書錄曰扶風曹喜後漢人不知其官善篆隸

小異李斯見師一時陳留邯鄲淳爲魏臨淄侯文學得次仲名在鵠後

略究其妙

淳而不及也

魏志劉劭傳注文章敘錄曰初邯鄲淳衛

斷曰韋誕伏膺於張伯英兼邯鄲淳之法諸書並善題署尤精入分隸書章草飛白入妙小篆入能太和

中誕爲武都太守以能書留補侍中魏氏寶器銘題皆

誕書也

水經穀水注曰南宮既建明帝令侍中京兆韋誕以古篆書之

漢末又有蔡邕

采斯喜之法爲古今雜形然精密閑理不如淳也

魏志劉劭

傳注引文章敘錄閑理作簡理

邕作篆勢曰鳥遺跡皇頡循聖作則制

斯文體有六篆為真形要妙巧入神或龜文

類聚七十四引作或

象龜文全晉文注

日文下當有缺文 鍼列櫛比龍鱗

類聚七十四引作或比龍鱗全晉文注日

鍼下

紆體放尾長短複身

類聚七十四引作長翅短身

積若黍稷之

垂穎蘊若蟲蛇之焚組揚波振擎

類聚七十四引振擎作震激

鷹時

鳥震延頸脅翼勢似陵雲或輕筆內投微本濃末若絕

若連似水露絲絲凝垂下端

周家祿校勘記日綠誤絲便失語妙

從者如

懸衡者如編杳杪邪趣不方不員若行若飛跂跂翾翾

遠而望之象鴻鵠羣游駱驛遷延迫而視之端際不可

得見指搗不可勝原研桑不能數其詰屈離婁不能覩

其卻閒般倕揖讓而辭巧籀誦拱手而韜翰處篇籍之

首目粲斌斌其可觀摘華豔於紉素爲學藝之範先喜  
文德之弘懿愠作者之莫刊思字體之類仰舉大略而  
論旃秦既用篆奏事繁多篆字難成卽令隸人佐書曰  
隸字御覽九百七十八古文奇字曰秦改古文爲大篆及隸字周人多誹謗怨恨秦苦天下不從而諸生到者拜爲郎凡七百人有實有詔下博士諸生說之人人實成使上書曰瓜冬有實有詔下博士諸生說之人人各異說則皆使往視之而爲伏機諸生賢儒皆至漢因焉方相難不決因發機從上填之以土皆壓死行之獨符印璽幡信題署用篆隸書者篆之捷也上谷王次仲始作楷法太平廣記二百九王僧虔名書錄曰上谷王次仲後漢人作八分楷法藝概曰王愔云次仲始以古書方廣少波勢建安中以隸草作楷法字方八分言有模楷吾卽衍學古編云八分者漢隸之末有挑法者也此秦隸則易識比漢隸則微似篆若用篆筆作漢隸字卽得之矣波勢與篆筆兩意

難合洪氏隸釋言漢字有八分有隸其學中絕不可分  
別非中絕也漢人本無成說也又曰衛恆言王次仲始  
作楷法指八分也隸書簡省篆法取便徒隸其後從流  
下而忘反俗陋日甚譬之於樂中聲以降五降之後不  
容彈故入分者隸之節也八分取重在字畫有常勿使  
增減遷就上亂古而下入俗則楷法於是焉在非徒以  
波勢一端至靈帝好書時多能者而師宜官爲最御覽七百  
示別矣四十九書斷曰後漢師宜官南陽人也靈帝好書徵大  
天下工書於鴻都門至數百人八分稱宜官爲最  
則一字徑丈小則方寸千言甚矜其能或時不持錢詣  
酒家飲因書其壁雇觀者以酬酒討錢足而滅之太平廣記  
二百六引書斷作性嗜酒或時空至酒家因書  
其壁以售之觀者雲集酤酒多售則鏟滅之 每書輒  
削而焚其柑梁鵠乃益爲版而飲之酒候其醉而竊其  
柑鵠卒以書至選部尙書御覽七百四十九世論曰安  
定梁鵠字孟皇善八分書太

平廣記二百八書斷曰梁鵠安定烏氏人少好書受宜法於師宜官舉孝廉爲郎亦在鵠都門下遷選部郎官後爲袁術將今鉅鹿宋子有耿球碑是術所立記六

十日宋子故城漢宋子縣也宋闕名寶刻類編曰師宜官耿球碑袁紀撰趙州案本書地理志鉅鹿郡無宋子縣巨山此言蓋承用前其書甚工云是宜官也梁鵠奔人之文而未暇更易也

劉表魏武帝破荊州募求鵠鵠之爲選部也魏武欲爲

洛陽令而以爲北部尉故懼而自縛詣門署軍假司馬

在祕書以勤書自效

水經穀水注曰魏太祖平荊州漢吏部尙書安定梁孟皇善師宜官

人分體求

是以今者多有鵠手跡魏武帝懸著帳中及

以釘壁玩之以爲勝宜官

水經穀水注曰太祖善其法常仰繫帳中愛翫之以爲勝

宜官今宮殿題署多是鵠象

御覽七百四十九世論曰太祖使鵠書信幡宮門榜題水

經穀水注曰北宮

鵠宜爲大字

魏志劉劭傳注引文章敘錄作師宜官爲大字

邯鄲淳宜爲小字鵠謂淳得次仲法然鵠之用筆盡其

勢矣鵠弟子毛弘教於祕書今八分皆弘法也漢末有

左子邑小與淳鵠不同然亦有名

太平廣記二百七王僧虔名書錄曰毛弘

鵠弟子祕書八分皆傳弘法又二百六書斷曰左伯字

子邑東萊人特工八分書名字有分數之分如書苑所引

亦擅名藝概曰八分書分字有分數之分如說文之解入

蔡文姬論八分之言是也有分別之分如說文之解入

字是也自來論八分者不能外此兩意又曰書苑引文

姬言割程隸字八分取二分割李篆字二分取八分於

是爲八分書此蓋以分作分數解也然信如割取之說

雖使八分隸二分篆其體猶古於他隸況篆八隸二不

儼然篆矣乎是可知言之不出於文姬矣又曰王愔所

謂字方八分者蓋字比於八之分也說文八別也象分

別相背之形此雖非爲八分

言之而八分之意法具矣

魏初有鍾胡二家爲行書

法俱學之於劉德升而鍾氏小異太平廣記二百六羊  
元常少隨劉勝入抱犢山學書三年遂與魏太祖邯鄲  
涓韋誕等議用筆鍾繇乃問蔡伯喈筆法於韋誕誕惜不  
與乃自搥胸嘔血太祖以五靈丹救之得活及誕死鍾繇  
令人盜掘其墓遂得之由是鍾繇筆更妙鍾繇精思學書卧  
畫被穿過表如廟終日忘歸每見萬類皆書象之鍾繇善  
三色書最妙者入分又二百九名書錄曰鍾繇鍾繇魏  
太尉同郡胡昭公車徵二家俱學於德升而胡書肥鍾  
書瘦有三體一日銘石之書最妙者也二曰章程書三  
曰狎書相聞者也魏志張琦傳曰鍾繇胡昭字孔明至  
嘉平二年公車特徵會卒年八十九初昭善史書與鍾  
繇邯鄲涓術觀韋誕並有名尺牘之迹動見模楷焉御  
覽七百四十九書斷曰後漢鍾繇川劉德升字君嗣造行  
書即正書之小諒務從簡易相間流行故謂之行書又  
日劉德升桓靈之時以造行書擅名以草規示豐妍風  
流宛約獨步當時胡昭鍾繇並師其法然亦各有巧今  
而胡書體絕瘦亦各有德升之美也

大行於世云作隸勢日鳥跡之變乃惟佐隸獨彼繁文



崇此簡易厥用既弘體象有度煥若星陳鬱若雲布其  
大徑尋細不容髮隨事從宜靡有常制或穹隆恢廓或  
櫛比鍼列或砥平繩直或蛩蠶膠戾或長邪角趣或規  
旋矩折修短相副異體同勢奮筆輕舉離而不絕纖波  
濃點錯落其間若鍾簴設張庭燎飛煙漸巖嶷嵯高下  
屬連似崇臺重宇增雲冠山遠而望之若飛龍在天近  
而察之心亂目眩奇姿譎詭不可勝原研桑所不能計  
宰賜所不能言何草篆之足算而斯文之未宣豈體大  
之難覩將祕奧之不傳聊俯仰而詳觀舉大較而論旃  
漢興而有草書不知作者姓名

御覽七百四十九書斷  
日章草書漢黃門令史

許所作也衛常李謨並云漢初而有草法不知其誰  
子良云夫章草者漢齊相杜操始變篆法非也王愔云  
漢元帝時史游作急就章解散隸體至章帝時齊相杜  
龔書之漢俗隨簡漸以行之是也

度號善作篇後有崔瑗崔寔亦皆稱工御覽七百四十九書斷曰後漢

杜度字伯度京兆杜陵人也御史大夫延年曾孫章帝  
時為齊相善草書章帝云史游始草書傳之不紀其能  
又絕其跡規其神妙其惟杜公平章誕云杜氏傑有骨  
力而字畫微瘦崔氏法之書體甚濃結字工巧特不及  
張芝嘉而學焉轉精甚巧可謂草聖超前絕後獨步無  
雙矣羅叔景趙元嗣者與伯英並時見稱於西州而矜  
巧自與眾頗或之故英自稱上比崔杜不足下方羅趙  
有餘御覽七百四十九三輔決錄曰趙襲字元嗣為熒  
煌太守常先是杜伯度崔子玉以工草稱於前世襲與羅  
暉亦能草頗自矜誇故張伯英與襲同郡太僕朱賜書  
日上比崔杜不足下方羅趙有餘也太平廣記二百九  
王僧虔名書錄曰安平崔瑗後漢濟北相亦善草書平  
苻堅得摹崔瑗書王敬云極似杜氏殺字甚安而書  
張伯英瑗子湜官尚書亦能草

體微瘦

魏志劉劭傳注引文章敘錄殺字作結字法書要錄作煞案煞即殺字諸史攷異二日殺讀如

說文樛榮字通用說文訓爲散南齊書周顒傳崔氏甚少從外氏得衛恒散隸書法學之甚工即此體

得筆勢而結字小疎弘農張伯英者因而轉精甚巧

七百四十九書斷曰後漢張伯英損益伯度章草亦猶逸少增減元常真書太平廣記二百六書斷曰張芝字

伯英性好書二百九王僧虔名書錄曰張芝高尚不仕善草書精勁絕倫魏志劉劭傳注引文章敘錄甚巧作

巧凡家之衣帛必書而後練之

類聚七十四引臨池學作必先書後染臨池學

書池水盡黑

敦煌石室本沙州圖經曰張芝墨池在縣東北一里効穀府東南五十步右後漢獻

帝時前件人於此池學書其池盡墨書絕世天下名傳

因茲王羲之額書論云臨池學書池水盡墨好之絕倫

吾弗及也其池年代既遠並磨滅古老相傳池在前件

所去開元二年九月正議大夫使持節沙州諸軍事行

沙州刺史兼豆盧軍使上柱國杜楚臣赴任尋墳典文

武俱明訪觀此地未獲安惜

魏補至四年六月燉煌縣

令趙智本到任其令博覽經史通達九經尋諸古典委張芝索靖俱是煥煌人各檢古跡具知處所其年九月拓上件池中得一石硯長二尺濶一尺五寸乃勸諸張族一十八代孫上柱國張仁會等令修葺墨池中立廟及張下筆必爲楷則號忽忽不暇草書寸紙不見遺至芝容

今世尤寶其書韋仲將謂之草聖伯英弟文舒者次伯

英御覽七百四十九書斷曰後漢張昶字文舒伯英季弟爲黃門侍郎尤善草草家風不墜奕葉精華書類

伯英時人謂之亞聖太平廣記二百六書斷曰文舒章草入神入分入妙隸入能又有姜孟穎

梁孔達田彥和及韋仲將之徒皆伯英弟子有名於世

然殊不及文舒也魏志劉劭傳注引文章敘錄穎作穎太平廣記二百九名書錄曰姜詡梁

宣田彥和及司徒章誕皆伯英弟子羅叔景趙元嗣者並善草案孟穎爲詡字孔達爲宣字

與伯英並時見稱於西州而矜巧自與眾頗惑之太平廣記

二百九名書錄曰羅暉趙恭不詳何許人與伯英同時見稱而矜許自與眾頗惑之案叔景為暉字元嗣為恭字故英自稱上比崔杜不足下方羅趙有餘河閒張超

亦有名然雖與崔氏同州不如伯英之得其法也太平廣記

二百九名書錄曰河閒張超亦善草書不及崔張劉德升善為行書不詳何許人案起為超之誤崔瑗

作草書勢曰書契之興始自頡皇寫彼鳥跡以定文章

爰暨末葉典籍彌繁時之多僻初學記二十一引崔瑗草勢時作人政之

多權官事荒蕪勦其墨翰惟作佐隸舊字是刪草書之

法蓋又簡略初學記二十一引崔瑗草勢又作先應時諭指用於卒迫兼

功并用愛日省力純儉之變豈必古式觀其法象俯仰

有儀方不中矩員不副規抑左揚右望之若崎竦企鳥

時志在飛移狡獸暴駭將奔未馳或黝黠點黠

初學記二十一

引崔瑗草勢狀似連珠絕而不離畜怒怫鬱放逸生奇

作或黝黠點染

一作高

臨危旁點邪附似蜩蟬揭枝

初學記二十一引崔瑗草勢作似螳螂而抱枝

絕筆收勢餘綫糾結若杜伯捷

毒緣巖騰虵赴穴頭沒尾垂是故遠而望之隴焉若沮

岑崩崖就而察之一畫不可移機微要妙臨時從宜略

舉大較髣髴若斯及瑾爲楚王瑋所構恆聞變以何劭

嫂之父也從牆孔中詣之以問消息劭知而不告恆還

經廚下收人正食因而遇害後贈長水校尉諡蘭陵貞

世子二子琬玠

瑒字仲寶

御覽四百八十九引晉中興書誤作仲賢

襲瓘爵後東海王越以

蘭陵益其國改封江夏郡公邑八千五百戶懷帝卽位

爲散騎侍郎永嘉五年沒於劉聰元帝以瓘玄孫崇嗣

勞格校勘記曰江夏公衛嶼表云臣高祖散騎常侍瑒

之嬪孫纂承封爵中宗元皇帝以曾祖故右衛將軍崇

承襲則崇當是瓘曾孫傳作元孫疑誤

玠字叔寶年五歲風神秀異

世說言語篇注玠別傳曰玠穎識通達天口標令議

鑒篇注玠別傳曰玠有虛令之秀清勝之氣

祖父瓘曰此兒有異於衆

世說鑒

篇注引玠別傳作此兒神爽聰令與衆大異

顧吾年老不見其成長耳總角

乘羊車入市見者皆以爲玉人觀之者傾都

世說容止篇注玠別

傳曰玠在羣伍之中實有異人之望齟齬時乘白羊車於洛陽市上咸曰誰家璧人於是家門州黨號爲璧人

驃騎將軍王濟玠之舅也儁爽有風姿每見玠輒歎曰

珠玉在側覺我形穢又嘗語人曰與玠同遊世說容止篇注引玠

別傳作昨日吾與外生共坐固若明珠之在側朗然照人及長好言

立理其後多病體羸母恆禁其語遇有勝日親友時請

一言無不咨嗟以為入微世說文學篇注玠別傳曰玠少有名理善易老

言必入真武昌見大將軍王敦敦與談論咨嗟不已

琅邪王澄有高名少所推服每聞玠言輒嘆息絕倒故

時人為之語曰衛玠談道平子絕倒世說賞譽篇下曰王平子遭世有儁

才少所推服注玠別傳曰琅邪王平子高氣不羣遭世獨傲每聞玠之語議至于理會之間要妙之際輒絕倒

於坐前後三聞為之三倒時澄及王立王濟並有盛名人遂曰衛君談道平子三倒



皆出玠下

世說言語篇注玠別傳曰論者以為在王眉子平子武子之右

世云王家三

子不如衛家一兒玠妻父樂廣

寰宇記一百四十五日貞女樓按南雍州記云

王整之姊適衛玠十六而寡父母欲嫁之乃自截鼻以誓墓前柏樹為之連理案玠娶樂廣之女本傳下文又

云玠妻先亡至江夏山簡以女妻焉敘述有海內重名甚明豈廣女歿後懷帝時玠曾娶王氏耶

議者以為婦公冰清女壻玉潤

世說言語篇注玠別傳曰裴叔道曰妻父有冰

清之姿壻有璧潤之望所謂秦晉之匹也

辟命屢至皆不就久之為太傅西

閣祭酒拜太子洗馬

書鈔六十六晉中興書河東衛錄曰以弱冠拜洗馬魏志衛覬傳注

世語曰有盛名為太子洗馬

璪為散騎侍郎內侍懷帝玠以天下大

亂欲移家南行

世說言語篇曰衛洗馬欲渡江形神慘頓語左右云見此茫茫不覺百端交集

苟未免有情亦復誰能遣此

母曰我不能舍仲寶去也玠啟諭深至

爲門戶大計母涕泣從之臨別玠謂兄曰

世說言語篇注玠別傳曰

永嘉四年南至江夏與兄別於梁里澗語曰

在三之義人之所重今可謂致

身之日兄其勉之

世說言語篇注引玠別傳作今日忠臣致身之道可不勉乎御覽四百八

十九引晉中興書致

身下有授命二字乃扶輿母轉至江夏玠妻先亡征

南將軍山簡見之甚相欽重簡曰昔戴叔鸞嫁女唯賢

是與不問貴賤況衛氏權貴門戶令望之人乎於是以

女妻焉遂進豫章是時大將軍王敦鎮豫章長史謝鯤

先雅重玠相見欣然言論彌日

世說言語篇注玠別傳曰陳郡謝幼輿敬以亞

父之禮文學篇注玠別傳曰因夜坐大將軍命謝幼輿

玠見謝甚說之都督復顧王遂達旦微言王永夕不得

衛玠別傳云玠於武昌見大將軍王敦與之談論彌日

敦謂鯁曰昔王輔嗣吐金聲於中朝此子復玉振於江

表微言之緒絕而復續不意永嘉之末

世說賞譽篇下末作中

復

聞正始之音何平叔若在當復絕倒玠嘗以人有不及

可以情恕非意相干可以理遣故終身不見喜愠之容

以王敦豪爽不羣而好居物上恐非國之忠臣求向建

鄴京師人士聞其姿容觀者如堵玠勞疾遂甚永嘉六

年卒

世說容止篇注永嘉流人名曰玠以永嘉六年五月至豫章其年六月二十日卒

時年二

十七時人謂玠被看殺葬於南昌謝鯁哭之慟

世說傷逝篇注

永嘉流人名曰葬南昌城許徵墓東玠人問曰子有何

之薨謝幼輿發哀於武昌感慟不自勝恤而致斯哀答曰棟梁折矣不覺哀耳咸和中改塋於

江寧丞相王導教曰衛洗馬明當改葬此君風流名士

海內所瞻可修薄祭以敦舊好

世說傷逝篇注御覽五百五十五引玠別傳作

海內民望可修三牲之祭以敦舊好

後劉惔謝尚共論中朝人士或問杜

父可方衛洗馬不尙曰安得相比其閒可容數人惔又

云杜父膚清叔寶神清

世說品藻篇曰劉丹陽王長史在瓦官寺集桓護軍亦在坐共

商略西朝及江左人物或問杜弘治何如衛虎桓答曰弘治膚清衛虎爽爽神令王劉善其言注引江左名士傳曰劉眞長曰弘治膚清叔寶神清案本傳與江左名士傳俱以爲劉惔語杜父傳與世說俱以爲桓爽語一則劉謝二人共論一則劉王桓三人共坐蓋傳聞有互異也

其爲有識者所重若此

于時中興名士唯王承及玠爲當時第一云恆族弟展

字道舒

世說儉嗇篇注永嘉流人名曰衛展字道舒祖列彭城護軍父廣平令隋志有光祿大夫衛展

集十二卷梁有十五卷亡唐志作十四卷歷尚書郎南陽太守永嘉中為江

州刺史世說儉嗇篇注永嘉流人名曰展光熙初除鷹

將軍揚將軍江州刺史案光熙改元在永嘉前一年傳不言為累遷晉王大理詔有考子證父或鞭父母問

子所在展以為恐傷正教並奏除之中興建為廷尉初

記二十衛展表曰諺言廷尉獄平如祗有錢上疏宜復生無錢死此諺之起死生之出于此法獄也

肉刑語在刑法志卒贈光祿大夫

張華 子禪 楚

張華字茂先范陽方城人也父平魏漁陽郡守華少孤

貧自牧羊同郡盧欽見而器之魏志盧毓傳注虞預晉書曰同郡張華家單少

孤不為鄉邑所知惟欽貴異焉類聚五十三徐廣晉紀日張華少自牧羊而篤志好學初為縣吏盧欽奇其才

數稱鄉人劉放亦奇其才以女妻焉魏志劉放傳曰字

薦之縣方城侯薨謚敬侯案本書地理志漢涿郡魏文更名

范陽郡故本傳云范陽方城人而魏志於放仍書舊郡

也華學業優博辭藻溫麗朗瞻多通圖緯方伎之書莫

不詳覽文選鶴鵲賦注臧榮緒晉書曰少好文義博覽

少自修謹造次必以禮度世說排調篇注文士傳曰

於赴義篤於周急器識弘曠時人罕能測之初未知名

著鶴鵲賦以自寄文選鶴鵲賦注臧榮緒晉書曰雖

詞曰何造化之多端文選端下有兮字下文惟播羣形

於萬類惟鶴鵲之微禽亦攝生而受氣育翮翮之陋體

無立黃以自貴毛無施於器用肉不登乎俎味文選無

均作弗鴈過猶俄翼向何懼於置尉翳蒼蒙籠案籠當從文選

作是焉游集飛不飄揚翔不翕集文選集作習案上句既云游集此當以作

習為其居易容其求易給巢林不過一枝每食不過數

粒栖無所滯游無所盤匪陋荆棘匪榮茝蘭動翼而逸

投足而安委命順理與物無患伊茲禽之無知而處身

之似智文選而作何不懷寶以賈害不飾表以招累靜守性

而不矜文選性作約注引文動因循而簡易任自然以

為資無誘慕於世偽鴈鵠介其觜距鵠鷺軼於雲際鴈

雞竄於幽險孔翠生乎遐裔彼晨鳧與歸雁又矯翼而

增逝咸美羽而豐肌故無罪而皆斃徒銜蘆以避繳終

為戮於此世蒼鷹鷲而受繼鸚鵡慧而入籠文選慧作惠注引鸚

鵡賦曰性辯惠而能言屈猛志以服養塊幽繫於九重變音聲以

順旨思摧翮而為庸戀鍾岱之林野文選鍾岱作鍾代注云鍾代二山鷹

之所產漢書曰趙地鍾代迫近胡寇如淳曰鍾所在未

聞漢有代郡故代國也東方朔十洲記曰北海外有鍾

山孫志祖文選考異曰代誤岱慕隴坻之高松雖蒙幸於今日未若疇

昔之從容海鳥爰居文選爰居作鸛鴈注引國語作爰居避風而至條支

巨爵文選支作枝踰嶺自致提挈萬里飄飈逼畏夫惟體大

妨物而形瓌足偉也文選偉作瑋陰陽陶蒸萬品一區巨細

舛錯種繁類殊鷁冥巢於蚊睫文選冥作蟬大鵬彌乎天隅

將以上方不足而下比有餘普天壤而遐觀吾又安知



大小之所如陳留阮籍見之歎曰王佐之才也由是聲

名始著

類聚五十六王隱晉書曰阮籍見華鶴鵲賦以爲王佐之才中書郎成公綏亦推華文義勝己

郡守鮮于嗣薦華爲太常博士盧欽言之於文帝轉河

南尹丞未拜除佐著作郎頃之遷長史兼中書郎朝議

表奏多見施用遂卽眞

書鈔五十七晉讚曰大駕征鍾會兼中書郎奏議衆文多所施

行久而卽眞類聚五十八御覽五百九十七張華別傳

日華兼中書侍郎從行掌軍事中書疏表檄文帝善之

勞格校勘記

晉受禪拜黃門侍郎封關內侯華強記默

識

書鈔五十八王隱晉書曰泰始三

年詔張華爲黃門侍郎博覽圖籍四海之內若指諸

掌武帝嘗問漢宮室制度及建章千門萬戶

書鈔九十四類聚四

十八引王隱

晉書作長安千門萬戶世說言語篇

華應

注引晉陽秋作世祖嘗問漢事及建章千門萬戶

對如流

世說言語篇注晉陽秋曰應

聽者忘倦畫地成

圖

書鈔九十七引王隱晉書作畫地即成類聚四十八引作便成

左右屬目帝甚異之

時人比之子產數歲拜中書令後加散騎常侍遭母憂

哀毀過禮中詔勉勵逼令攝事初帝潛與羊祜謀伐吳

而羣臣多以爲不可唯華贊成其計其後祜疾篤帝遣

華詣祜問以伐吳之計語在祜傳及將大舉以華爲度

支尙書

御覽二百十七晉起居注曰咸寧五年詔曰一

也故總要者正在度支尙書也其以乃量計運漕決定

散騎常侍中書令張華爲度支尙書廟算衆軍旣進而未有剋獲賈充等奏誅華以謝天下

帝曰此是吾意華但與吾同耳時大臣皆以爲未可輕

進華獨堅執以爲必剋及吳滅詔曰尙書關內侯張華  
前與故太傅羊祜共創大計遂典掌軍事部分諸方算  
定權略運籌決勝有謀謨之勲其進封爲廣武縣侯增  
邑萬戶封子一人爲亭侯千五百戶賜絹萬匹華名重  
一世衆所推服晉史及儀禮憲章並屬於華多所損益  
御覽六百六引晉陽秋作晉儀禮釐革制度勅有司給筆札多有損益當時詔詰皆所草  
定聲譽益盛有台輔之望焉而荀勗自以大族恃帝恩  
深憎疾之每伺閒隙欲出華外鎮會帝問華誰可託寄  
後事者對曰明德至親莫如齊王攸旣非上意所在微  
爲忤旨閒言遂行乃出華爲持節都督幽州諸軍事領

護烏桓校尉安北將軍撫納新舊戎夏懷之東夷馬韓  
新彌諸國依山帶海去州四千餘里歷世未附者二十  
餘國並遣使朝獻於是遠夷賓服四境無虞頻歲豐稔  
士馬強盛朝議欲徵華入相又欲進號儀同初華毀徵  
士馮恢於帝統卽恢之弟也御覽二百二十四寶晉  
紀曰處士馮恢志行過人  
以爲散騎常侍張華曰臣請觀之若不見臣上也見而  
有敬世之容次也敬而爲賓主者固俗士也及華至恢  
待之恭於是時人少之邵晉涵晉書提要稿曰馮統傳  
亦云疾張華如讐諷帝言華不可授以重任兩傳俱不  
載致舛之故據御覽引于寶晉紀云云蓋統之怨華實  
由於此晉武之任馮統而疏張華有關於治亂之原而  
傳不明言其故是深有寵於帝統嘗侍帝從容論魏晉  
剛節之未當也

事因曰臣竊謂鍾會之釁頗由太祖帝變色曰卿何言

邪統免冠謝曰臣愚冗瞽言罪應萬死然臣微意猶有可申帝曰何以言之統曰臣以爲善御者必識六轡盈縮之勢善政者必審官方控帶之宜故仲由以兼人被抑冉求以退弱被進漢高八王以寵過夷滅光武諸將由抑損克終非上有仁暴之殊下有愚智之異蓋抑揚與奪使之然耳鍾會才見有限而太祖誇獎太過嘉其謀猷盛其名器居以重勢委以大兵故使會自謂算無遺策功在不賞駟張跋扈遂構凶逆耳向令太祖錄其小能節以大禮抑之以權勢納之以軌則則亂心無由而生亂事無由而成矣帝曰然統稽首曰陛下旣已然

微臣之言宜思堅冰之漸無使如會之徒復致覆喪帝  
日當今豈有如會者乎統曰東方朔有言談何容易易  
日臣不密則失身帝乃屏左右曰卿極言之統曰陛下  
謀謨之臣著大功於天下海內莫不聞知據方鎮總戎  
馬之任者皆在陛下聖慮矣帝默然頃之徵華爲太常  
以太廟屋棟折免官御覽五百三十九晉起居注曰太  
常張華上書按舊事拜公建始殿  
因以小會蓋所以崇幸輔也書鈔五  
十三晉諸公贊曰張華爲廟地發屋  
遂終帝之世以列  
侯朝見惠帝卽位以華爲太子少傅與王戎裴楷和嶠  
俱以德望爲楊駿所忌皆不與朝政及駿誅後將廢皇  
太后會羣臣於朝堂議者皆承望風旨以爲春秋絕文

姜今太后自絕於宗廟亦宜廢黜惟華議以爲夫婦之道父不能得之於子子不能得之於父皇太后非得罪於先帝者也今黨其所親爲不母於聖世宜依漢廢趙太后爲孝成后故事貶太后之號還稱武皇后居異宮以全貴終之恩不從遂廢太后爲庶人楚王瑋受密詔殺太宰汝南王亮太保衛瓘等內外兵擾朝廷大恐計無所出華白帝以瑋矯詔擅害二公將士倉卒謂是國家意故從之耳今可遣騶虞幡使外軍解嚴理必風靡上從之瑋兵果敗及瑋誅

文選晉紀總論注干寶晉紀曰張華以二公既亡楚必專

權使董猛言於后遣謁者李雲宣詔免瑋付廷尉瑋華以矯詔伏誅案干氏謂華使董猛言於后與本傳異華

以首謀有功拜右光祿大夫開府儀同三司侍中中書

監書鈔五十七王隱晉書曰爲中書監永平元年詔曰

之要宜得其才以華爲中書監加侍中御覽二百四十

三晉起居注曰元年詔曰中書監光祿大夫張華歷世

腹心情所憑賴故酬其勲績使儀同三司而虛冲挹損

難違高尚其以華爲光祿大夫儀同三司本職如故又

給親信滿百人御覽二百二十晉諸公贊曰陳準爲中

書令張華爲監準與華俱處機密準推崇之每直日有

詔書無小大輒先示華了不措意華得詔書不金章紫

綬固辭開府賈謐與后共謀以華庶族儒雅有籌略進

無逼上之嫌退爲眾望所依欲倚一作荷以朝綱訪以政

事疑而未決以問裴頠頠素重華深贊其事華遂盡忠

匡輔彌縫補闕雖當闇主虐后之朝而海內晏然華之



功也華懼后族之盛作女史箴以爲諷賈后雖凶妒而

知敬重華久之論前後忠勲進封壯武郡公華十餘讓

中詔敦譬乃受御覽二百王隱晉書曰封華郡公三千戶主者擇近郡平上詳依典制施行華

讓前後十餘辭義懇誠詔不聽遂受封案地理志下壯

武縣屬城陽郡無壯武郡此郡字爲縣字之誤或以封

華之故改立爲郡不久旋廢元和郡縣圖志十一日壯

武故城在卽墨縣西六十里晉封張華爲壯武侯案本

傳壯文封廣武縣侯至是進封公始數年代下邳王晃

改壯武疑元和志侯字當作爲公

爲司空初學記二十六蕭方等三十國春秋曰晉永康元年正月大會有鳩入御坐武帳中拂司空張

冠華之領著作及賈后謀廢太子左衛率劉卞甚爲太子

所信遇每會宴卞必預焉屢見賈謐驕傲太子恨之形

于言色謐亦不能平卞以賈后謀問華華日不問卞日

卞以寒悴自須昌小吏受公成拔以至今日士感知已  
是以盡言而公更有疑於卞邪華曰假令有此君欲如  
何卞曰東宮俊乂如林四率精兵萬人公居阿衡之任  
若得公命皇太子因朝入錄尙書事廢賈后於金墉城  
兩黃門力耳華曰今天子當陽太子人子也吾又不受  
阿衡之命忽相與行此是無其君父而以不孝示天下  
也雖能有成猶不免罪況權威滿朝威柄不一而可以  
安乎及帝會羣臣於式乾殿出太子手書徧示羣臣莫  
敢有言者惟華諫曰此國之大禍自漢武以來每廢黜  
正嫡恆至喪亂且國家有天下日淺願陛下詳之尙書

左僕射裴頤以爲宜先檢校傳書者又請比校太子手書不然恐有詐妄賈后乃內出太子素啟事十餘紙眾人比視亦無敢言非者議至日西不決后知華等意堅因表乞免爲庶人帝乃可其奏初趙王倫爲鎮西將軍勞格校勘記曰鎮西當作征西撓亂關中氏羌反叛乃以梁王彤代之或說華曰趙王貪昧信用孫秀所在爲亂而秀變詐姦人之雄今可遣梁王斬秀刈趙之半以謝關右不亦可乎華從之彤許諾秀友人辛冉從西來言於彤曰氏羌自反非秀之爲故得免死倫旣還諸事賈后因求錄尙書事後又求尙書令華與裴頤皆固執不可由是致怨

倫秀疾華如讎武庫火

惠帝紀事在元康五年書鈔一百二十二類聚六十引異苑誤

作三年學津討源本異苑不誤

華懼因此變作列兵固守

書鈔一百二十二引異苑

固守作陳衛

然後救之故累代之寶及漢高斬蚩劍王莽頭

孔子屐等盡焚焉

類聚六十八引異苑屐作履晉書校文三日劉頌傳武庫火頌弟彪建

計斷屋得出諸寶器是不得謂為盡焚

時華見劍穿屋而飛莫知所向

書鈔

一百二十二引異苑向作在

初華所封壯武郡有桑化為柏識者以

為不祥又華第舍及監省數有妖怪少子避以中台星

圻勸華遜位華不從曰天道立遠惟修德以應之耳不

如靜以待之以俟天命及倫秀將廢賈后秀使司馬雅

夜告華曰今社稷將危趙王欲與公共匡朝廷為霸者

之事華知秀等必成篡奪乃距之雅怒曰刃將加頸而吐言如此不顧而出華方晝卧忽夢見屋壞覺而惡之是夜難作詐稱詔召華遂與裴頴俱被收華將死謂張林曰卿欲害忠臣耶林稱詔詰之曰卿爲宰相任天下事太子之廢不能死節何也華曰式乾之議臣諫事具存非不諫也林曰諫若不從何不去位華不能答須臾使者至曰詔斬公華曰臣先帝老臣中心如丹臣不愛死懼王室之難禍不可測也遂害之於前殿馬道南夷三族朝野莫不悲痛之時年六十九

寰宇記六十九日  
薊縣張華冢華郡

人也有宅墓郡國志云  
今有張華村臨桑乾河華性好人物誘進不倦至于窮

賤候門之士有一介之善者便咨嗟稱詠爲之延譽雅

愛書籍身死之日家無餘財惟有文史溢于机篋嘗徒

居載書三十乘祕書監摯虞撰定官書皆資華之本以

取正焉天下奇祕世所希有者悉在華所由是博物洽

聞世無與比

魏志盧毓傳注引晉諸公贊曰張華博識多聞無物不知諸葛亮附錄列傳類聚

四引竹林七賢論曰王濟曰張華善說史漢惠帝中人有得鳥毛三丈以示

華華見慘然曰此謂海鳧毛也出則天下亂矣

太平廣記一百

九十七引異苑作此陸機嘗餉華鮓于時賓客滿座華

毛出則天下土崩發器便曰此龍肉也衆未之信華曰試以苦酒濯之必

有異既而五色光起機還問鮓主果云園中茅積下得

一白魚質狀殊常以作鮓過美故以相獻武庫封閉甚

密其中忽有雉雉華曰此必蛇化為雉也開視雉側果

有蛇蛻焉

太平廣記一百九十七引小說作使搜除庫中果見蛇蛻之皮吳郡臨平岸

崩出一石鼓槌之無聲

水經漸江水注類聚入十八帝御覽五十二引異苑槌作打

以問華華曰可取蜀中桐材刻為魚形扣之則鳴矣

漸江水注曰劉道民詩曰事有遠而合蜀桐鳴吳石

於是如其言果聲聞數里

漸江水注御覽五十二又五初吳之未滅也斗牛之間百八十二引異苑作數十里

常有紫氣道術者皆以吳方強盛未可圖也惟華以為

不然及吳平之後紫氣愈明華聞豫章人雷煥妙達緯

象乃要煥宿屏人曰可共尋天文知將來吉凶因登樓

仰觀御覽三百四十三雷煥別傳曰煥字孔章善星厯

初學記二十四蕭方等三十國春秋曰張華善天人解

望氣元康初嘗與鄱陽雷孔章共夜登樓而見一氣起

斗牛煥曰僕察之久矣惟斗牛之間頗有異氣御覽十

晉書曰張華察牛斗間有華曰是何祥也初學記二十

紫氣乃豐城之劍氣也華曰初學記二十四引蕭方等

三十國春秋作華謂煥曰寶劍之精初學記二十四引

孔章曰此何氣也煥曰寶劍之精初學記二十四引

秋作對曰其寶劍乎書鈔一百二十二御覽上徹於天

三百四十四引雷次宗豫章記寶劍作寶物上徹於天

耳華曰君言得之吾少時有相者言吾年出六十位登

三事當得寶劍佩之斯言豈效與因問曰在何郡煥曰

在豫章豐城華曰欲屈君為宰密共尋之可乎煥許之

華大喜即補煥為豐城令煥到縣掘獄屋基入地四丈

華大喜即補煥為豐城令煥到縣掘獄屋基入地四丈



餘得一石函光氣非常中有雙劍並刻題一曰龍泉一

曰太阿

書鈔一百二十二雷次宗豫章記曰至縣移獄掘深二丈得玉匣長八九寸開之得二劍又一

百五十七豫章記曰豐城縣獄後今有雷孔章掘神劍窟方廣七八尺御覽三百四十三引雷煥別傳作至縣

移獄掘入三十餘尺得青石函一枚讀史方輿紀要八十四曰豐城縣西南三十一里有劍池晉雷煥得二劍

處其夕斗牛閒氣不復見焉煥以南昌西山北巖下土

以拭劍光芒豔發

御覽三百四十三引雷煥別傳作文采未甚明煥取南昌西山黃白土用

拭劍光豔照耀類聚六十引雷次宗豫章記作劍至光耀煒燁煥若電發寰宇記一百六曰翠巖寺本名常緣

寺又爲洪井寺晉雷煥取大盆盛水置劍其上視之者西山土拭劍卽此地也

精芒炫目遣使送一劍并土與華留一自佩或謂煥曰

得兩送一張公豈可欺乎煥曰本朝將亂張公當受其

禍此劍當繫徐君墓樹耳靈異之物終當化去不永爲  
人服也華得劍寶愛之常置坐側華以南昌土不如華  
陰赤土報煥書曰詳觀劍文乃干將也莫邪何復不至  
御覽三百三十三引列士傳曰干將莫邪爲晉君作劍  
三年而成又三百四十四雷次宗豫章記曰孔章曾孫  
穆之猶有張公與其祖雖然天生神物終當合耳因以  
書反覆桑根紙古字  
華陰土一斤致煥御覽三百四十三引雷煥更以拭劍  
倍益精明書鈔一百二十二引雷煥別華誅失劍所在  
類聚六十引雷次宗豫章記作張華遇害此劍飛入襄  
城水中御覽三百四十三引雷煥別傳作及華誅劍亡  
玉匣莫知所在在水經注釋二十八日厄林日茂先遇害  
在雒安得亡劍汚流考雷次宗豫章記曰張公遇害劍  
飛入襄城水中郡國志曰南郡在雒陽南千五百里有  
襄陽縣潁川在雒陽東南五百里有襄城縣酈氏談以

襄城水為煥卒子華為州從事持劍行經延平津劍忽

於腰閒躍出墮水使人沒水取之不見劍但見兩龍各

長數丈書鈔一百二十二御覽三百四十三引雷煥別傳子華作煥子爽使人沒水取之作令人投水

逐之類聚六十雷次宗豫章記曰孔章臨亡戒其子恒

以劍自隨後其子為建安從事經淺瀨劍忽於腰閒躍

出水經沔水注曰初猶是劍後變為龍讀史方輿紀要

九十七日劍溪在延平府城東南即建江也亦曰劍津

相傳雷煥之子佩劍渡延平蟠縈有文章書鈔一百二

津劍忽躍入水化為龍而名蟠縈有文章十二御覽三

別傳蟠縈作盤交沒者懼而反須與光彩照水波浪驚

沸御覽三百四十三引雷煥別傳作光彩發曜日映川於是失劍華歎曰先君

化去之言張公終合之論此其驗乎華之博物多此類

不可詳載焉後倫秀伏誅齊王冏輔政摯虞致箋於冏

日聞於張華沒後入中書省得華先帝時答詔本草先  
帝問華可以輔政持重付以後事者華答明德至親莫  
如先王宜留以爲社稷之鎮其忠良之謀款誠之言信  
於幽冥沒而後彰與苟且隨時者不可同世而論也議  
者有責華以愍懷太子之事不抗節廷爭當此之時諫  
者必得違命之死先聖之教死而無益者不以責人故  
晏嬰齊之正卿不死崔杼之難季札吳之宗臣不爭逆  
順之理理盡而無所施者固聖教之所不責也固於是  
奏曰臣聞興微繼絕聖王之高政貶惡嘉善春秋之美  
義解系傳美義作美談是以武王封比干之墓表商容之閭誠幽

明之故有以相通也孫秀逆亂滅佐命之國誅骨鯁之臣以斲喪王室肆其虐戾功臣之後多見泯滅張華裴頠各以見憚取誅於時解系解結同以羔羊並被其害歐陽建等無罪而死百姓憐之今陛下更日月之光布難新之命然此等諸族未蒙恩理昔樂卻降在阜隸而春秋傳其違解系傳違作人幽王絕功臣之後棄賢者子孫而詩人以爲刺臣備忝在職解系傳在職作右職思納愚誠若合聖意可令羣官通議議者各有所執而多稱其冤壯武國臣竺道又詣長沙王求復華爵位依違者久之太安二年詔曰夫愛惡相攻佞邪醜正自古而有故司空壯武

公華竭其忠貞思翼朝政謀謨之勲每事賴之前以華  
弼濟之功宜同封建而華固讓至于八九深陳大制不  
可得爾終有顛敗危辱之慮解義懇誠足勸遠近華之  
至心誓於神明華以伐吳之勲受爵於先帝後封既非  
國體又不宜以小功踰前大賞華之見害俱以姦逆圖  
亂濫被枉賊其復華侍中中書監司空公廣武侯及所  
沒財物與印綬符策遣使弔祭之初陸機兄弟志氣高  
爽自以吳之名家初入洛不推中國人士見華一面如  
舊欽華德範如師資之禮焉華誅後作誄又爲詠德賦  
以悼之華著博物志十篇及文章並行于世

拾遺記曰  
晉張華生

挺聰慧好觀奇異圖緯之學擗拾天下遺逸自書契之  
始考驗神怪及世間里閭所說撰博物志四百卷奏武  
帝帝曰卿才綜萬代博識無倫遠冠義皇近次夫子然  
記事探言亦多浮妄宜更刪剪無據無以充長成文昔  
仲尼刪詩書不及鬼神幽昧之事不言怪力亂神今見  
卿此志驚所未聞異所未見將恐惑亂於後生繁蕪於  
耳目也可更芟截浮疑分爲十卷即於御前賜青鐵硯  
此鐵是于闐國所獻鑄爲硯又賜麟角管此遼西所獻  
也側理紙萬番南越所獻也案隋志雜家張華博物志  
十卷今存又司空張華集十卷錄一卷直齋書錄解題  
作三卷郡齋讀書志云集有詩一百二十二子禕  
詞冊文三十一賦三蓋宋時所存止此  
禕字彥仲周家祿校勘記曰按傳祇二行宜附華傳以  
弟並列必有二傳然或事迹過簡分不成篇或文氣連  
續難斷爲二則日從其分文從其合下第十四盧欽傳  
之子浮弟挺第二十四陸機傳之弟雲好學謙敬有父  
雲弟耽異日同傳與此同例並存其舊  
風厯位散騎常侍薳儒博曉天文散騎侍郎同時遇害

禪子與字公安襲華爵避難過江唐宰相世系表十二  
隨元帝南遷寓居江左案表云禪隨元帝南遷與本辟  
傳言同時遇害異恐誤以與避難過江屬之於禪耳  
丞相掾太子舍人

### 劉卞

劉卞字叔龍東平須昌人也本兵家子質直少言少爲  
縣小吏功曹夜醉如廁使卞執燭不從功曹銜之以他  
事補亭子有祖秀才者於亭中與刺史箋久不成卞教  
之數言卓犖有大致秀才謂縣令曰卞公府掾之精者  
卿云何以爲亭子令卽召爲門下史百事疎簡不能周  
密令問卞能學不答曰願之卽使就學無幾卞兄爲太



子長兵既死兵例須代功曹請以下代兄役令曰祖秀  
才有言遂不聽下後從令至洛得入太學試經爲臺四  
品吏訪問令寫黃紙一鹿車下曰劉下非爲人寫黃紙  
者也訪問知怒言於中正退爲尙書令史

初學記二十  
一王隱晉書

曰劉下爲四品吏訪問推一鹿車黃紙令下寫書下語  
訪問劉下非爲人寫黃紙也訪問案下罪下品二等補  
尙書令史或謂下曰君才簡略堪大不堪小不如作守舍人

下從其言後爲吏部令史遷齊王攸司空主簿轉太常  
丞司徒左西曹掾尙書郎所歷皆稱職累遷散騎侍郎  
除并州刺史入爲左衛率知賈后廢太子之謀甚憂之  
以計干張華而不見用益以不平

書鈔六十五王隱晉  
書曰知賈后必害太

子乃問計張華  
華曰初無所聞  
賈后親黨微服聽察外閒頗聞卞言乃  
遷卞爲輕車將軍雍州刺史卞知言泄恐爲賈后所誅  
乃飲藥卒初卞之并州昔同時爲須昌小吏者十餘人  
祖饒之其一人輕卞卞遣扶出之人以此少之

史臣曰夫忠爲令德學乃國華譬焮星之有禮義人倫  
之有冠冕也衛瓘撫武帝之牀張華距趙倫之命進諫  
則伯玉居多臨危則茂先爲美遵乎險轍理有可言昏  
亂方凝則事睽其趣松筠無改則死勝於生固以赴蹈  
爲期而不辭乎傾覆者也俱陷淫網同嗟承劒邦家殄  
瘁不亦傷哉

晉書注卷三十六  
贊曰賢人委質道映陵寒尸祿觀敗吾生未安衛以賈  
滅張由趙殘忠於亂世自古爲難

晉書斟注卷三十六